

2025
Aprili – Juni

Gombo la. 101, Na. 2

**MASOMO YA BIBLIA YA
SHULE SABATO**

WATU WAZIMA



SEHEMU YA PILI

Injili Kulingana na Yohana

**Mchungaji Mwema huongoza na kulinda
kundi chini ya uangalizi Wake kwa upole.**

Yaliyomo



1.	Yesu, Mkate wa Uzima.....	5
2.	Mgogoro katika Galilaya.....	10
3.	Yesu kwenye Sikukuu ya Vibanda.....	15
4.	Hakuna Aliyenena Kama Mtu Huyu.....	20
5.	“Wala Mimi Sikuhukumu”.....	26
6.	Yesu, Nuru ya Ulimwengu.....	31
7.	Nuru Imekataliwa—Au Imekasiwa?.....	36
8.	Yesu na Ibrahimu.....	41
9.	Yesu na Kipofu.....	46
10.	Kukabiliana na Upofu wa Kiroho.....	52
11.	Yesu, Mchungaji Mwema.....	57
12.	Yesu na Lazaro.....	62
13.	Ufufuo na Uzima.....	67

Masomo ya Biblia ya shule ya sabato ni utaratibu wa mafundisho ya kila siku, msingi wake pekee ni juu ya Biblia na Roho ya Unabii pasipo maelezo ya nyongeza. Nukuu itolewe kwa ufupi kadri iwezekanavyo, ili kuelekeza ufahamu. [] mabano huwekwa baadhi ya sehemu ili kusaidia kuelewa jambo kwa usahihi. Jifunze zaidi katika chanzo kilichopendekezwa.

Masomo ya shule ya sabato (USPS 005 - 118), Gombo la 101, Toleo No. 1, January - March 2024 imechapishwa na Baraza kuu Ulimwenguni (GC) - Seventh Day Adventist Reform Movement, Idara ya shule ya sabato. Nakala zote©2025, zinachapishwa na kusambazwa na Reformation Herald Publishing Association, 5240 Hollins Road, Roanoke, Virginia 24019 - 5048, U.S.A Virginia 24022-9993. nchini Marekani.

Imetafsiriwa na: **SDA Reform Movement, Tanzania Mission**, Idara ya shule sabato, S.L.P 1342, DODOMA TANZANIA

Utangulizi

Uandishi wa injili kulingana na Yohana umeandikwa zamani kuliko injili zingine tatu (zinazoitwa Injili zinazofanana (Synoptic), lakini bado ndani ya karne ya 1. Katika karne ya 19, wachambuzi wa Biblia walijaribu kukataa kwamba iliandikwa kabla ya A.D. 150, hapo kwa kujaribu kupinga ukweli kwamba mtume Yohana alikuwa mwandishi. Wakosoaji hao pia walishutumu kwamba iliakisi falsafa ya Kinostiki na kwa hiyo haingeweza kuandikwa kabla ya Ugnostiki kuwa tisho kubwa kwa imani. (Ugnostiki ulikuwa mfumo wa kifalsafa na wa kidini wa madhehebu ya awali ambao walidai kwamba ujuzi badala ya imani ndiyo ufunguo wa wokovu.) Shtaka hilo potovu limekanushwa kwa muda mrefu.

Kinyume chake, ushahidi wa nje unathibitisha kuwepo kwa injili ya nne na heshima kubwa ambayo ilikuwa tayari imeshikiliwa mapema kama A.D. 115. Uthibitisho mmoja kama huo ulikuja kupitia ugunduzi wa kipande kidogo cha mafunjo, chenye vifungu vichache vya Yohana (sura ya 18, mistari 31–33, 37, 38), inayojulikana kama Rylands Papyrus na kwa kawaida kutajwa kuwa P52, ambayo iliwekwa tarehe. Paleografia c. a.d. 125. Kipande hiki, kilichopatikana Misri mwanzoni mwa karne ya 2, kinachukuliwa kuwa ushahidi unaoonekana kwa usambazaji wa awali na ulioenea wa injili ya nne. Msomi maarufu wa Agano Jipya Adolph Deissmann anathibitisha:

“wingi wa nadharia kuhusu asili ya zamani ya Injili kulingana na Yohana itanyauka haraka kama mimea ya nyumbani yenye joto. Tunayo katika papyrus ya Rylands uthibitisho fulani wa maandishi kwamba Injili kulingana na Yohana haikukuwepo tu katika nusu ya kwanza ya karne ya 2, lakini kwamba nakala zake zilikuwa tayari zimefika Misri. Kwa hiyo, asili ya Injili itarudishwa katika nyakati za mapema zaidi.” — Deutsche Allgemeine Zeitung, Desemba 3, 1935.

Sio tu kwamba uandishi wa Yohana ulitimiza kusudi hususani miongoni mwa Wakristo wa awali; imeleta mwongozo wa kiroho, usaidizi, na kitia-moyo kwa wafuasi wa Kristo, chini ya hali tofauti-tofauti, katika vizazi.

Bwana “anayo nuru ambayo ni mpya kwetu, na bado ni nuru ya zamani yenye thamani ambayo itang’aa kutoka katika Neno la kweli. Tunao mwangaza tu wa miale ya nuru ambayo bado haijatujia. Hatuitumii vyema nuru ambayo Bwana tayari ametupa, na hivyo tunashindwa kupokea nuru iliyoongezeka; hatutembe katika nuru ambayo tayari imeangaziwa juu yetu.

“Tunajiita watu wa kushika amri, lakini hatuelewi upana wa kanuni zindazo mbali za sheria ya Mungu; hatuelewi tabia yake takatifu. Wengi wanaodai kuwa walimu wa ile kweli, hawana wazo la kweli la yale wanayofanya katika kufundisha sheria ya Mungu, kwa sababu hawana ujuzi ulio hai wa Bwana Yesu Kristo.” — *Selected Messages*, bk. 1, ukurasa wa 401, 402.


Na kuendelea kujifunza Injili hii kutusaidie kumjua Yesu zaidi!

Idara ya shule ya sabato GC

Sadaka za sabato ya kwanza

SABATO, APRILI 5, 2025

Kwa ujenzi wa kanisa huko Prokhorovka, Urusi



Urusi, kwa eneo, ndiyo nchi kubwa zaidi duniani, yenye ukubwa wa maili za mraba 6,612,073.2 (km² 17,125,191) yenye wakazi 147,000,000. Watu kutoka mataifa zaidi ya 180 wanaishi katika eneo hili kubwa, na kwa upande wao, wanadai imani tofauti za kidinini. Maarufu zaidi ni Waorthodoksi wa Urusi (41.1%), wakifuatiwa na imani zingine za Kikristo (6.3%), Uislamu (6.5%), wapagani wa kisasa na watengristi(tengrists) (1.2%), Ubuddha (1.2%), waumini wasiofuata kanuni (25.2%), Wasioamini Mungu (asilimia 13), na waliosalia hawakiri dini yoyote

Tangu mwanzo wa SDARM, ujumbe wa injili ya milele uliendelea hapa chini ya mazingira magumu sana. Waumini wengi walipaswa kuteswa sana—na wengine walimshuhudia Mwokozi aliyesulubiwa na kufufuka kwa gharama ya maisha yao.

Mwishoni mwa miaka ya 1990, mfanyakazi wa Biblia pamoja na mke wake walihamia eneo la kati la Urusi kwa kusudi la kufanya kazi ya umishonari. Kutokana na juhudi na maombi yao, kundi la waumini lilipangwa. Lakini hawakuwa na mahali pa mikutano na ibada. Hatimaye, mwaka wa 2006 walipata nyumba ndogo kwenye kipande cha ardhi huko Prokhorovka, kituo cha utawala cha mijini cha Wilaya ya Prokhorovsky ya Mkoa wa Belgorod—eneo la kilimo linalozalisha nafaka, viazi sukari, alizeti, na matunda kando ya Mto Psjol kusini-mashariki mwa jiji. ya Kursk, nyumbani kwa amana nyingi za chuma

Tuliona waziwazi mkono wa Mungu ukifanya kazi wakati Alipoondoa kimuujiza vikwazo vingi na kubariki ununuzi wa nyumba hii. Kazi katika eneo hili imeendelea kukua, na haikuchukua muda mrefu kabla ya nyumba kuwa ndogo sana kutoshea waabudu wote wa Mungu. Miaka michache iliyopita, tulipokea kibali kutoka kwa wenye mamlaka na tukaanza kujenga nyumba ya ibada. Ndugu wametoa michango na kufanya kazi kwa bidii, lakini kwa kumaliza mradi huu tunahitaji usaidizi wa ukarimu wa watu ulimwenguni kote wanaompenda Bwana. Kukamilika kwa mradi huu kutatoa fursa ya kuendeleza zaidi kazi ya injili katika mikoa jirani, kama nguzo ya mwanga katika kueneza ujumbe wa mwisho wa wokovu. Bwana na ambariki kila mmoja ambaye moyo wake uko tayari kusaidia mafanikio ya ukweli uliopo katika eneo hili la ulimwengu!

Ndugu zako kutoka kanisa la Prokhorovka na Union ya Urusi

Yesu Mkate wa Uzima

FUNGU LA KUKARIRI: “Yesu akawaambia, Mimi ndimi chakula cha uzi-ma; yeye ajaye kwangu hataona njaa kabisa; naye aniaminiye hataona kiu kamwe” (Yohana 6:35).

Inapendekezwa kusoma: *Thoughts From the Mount of Blessing*, pp. 18–21.

“Tunakula mwili wa Kristo . . . tunapomshika Yeye kama Mwokozi wetu kwa imani.” — *The SDA Bible Commentary [E. G. White Comments]*, vol. 5, p. 1135.

1. HAMASA YA KUTAKA

Jpil, Mar 30

- a. Baada ya muujiza wa mikate, watu wengi waliamini nini? Yohana 6:14. Walikuwa na hamu ya kufanya nini? Yohana 6:15 (sehemu ya kwanza).

“Kwa siku nzima hali ya kusadikishwa ilikuwa imeimarishwa. Kitendo kile chenyewe utukufu kilikuwa uhakika kwamba Mkombozi aliyetarajiwa kwa muda mrefu alikuwa miongoni mwao. Matumaini ya watu yanapanda juu zaidi na zaidi. Huyu ndiye Yeye atakayeifanya Uyahudi kuwa paradiso ya duniani, nchi itiririkayo maziwa na asali. Anaweza kutosheleza kila hamu. Anaweza kuvunja nguvu za Warumi waliochukiwa sana. Anaweza kuikomboa Yuda na Yerusalemu. Anaweza kuwaponya askari watakojeruhiwa katika mapigano. Anaweza kutoa chakula cha kutosha jeshi lote. Anaweza kuyashinda mataifa, na kuiletea Israeli ufalme uliotafutwa kwa muda mrefu.

“Katika hamasa yao hiyo watu wale wako tayari mara moja kumvisha taji ya kifalme. Wanamwona akiwa hafanyi jitihada za kutaka hilo au kujiletea heshima. Katika hili yuko tofauti na makuhani na wakuu, nao watu wanahofu kwamba hatakubali kamwe madai ya kutaka kiti cha enzi cha Daudi. Wali-pojadiliana pamoja, walikubaliana kumchukua kwa nguvu, na kumtangaza kuwa mfalme wa Israeli. Wanafunzi wanaungana na makutano katika kutangaza kwamba kiti cha enzi cha Daudi ni halali ya kurithiwa na Bwana wao. Walisema kwamba, Kujinyenyekeza kwa Kristo ndiko kunakomsababisha akatae heshima hiyo. Hebu watu na wamwinue Mwokozi wao. Hebu makuhani na wakuu wenye kujivuna walazimishwe kumheshimu Yeye ajaye akiwa amevikwa mamlaka ya Mungu.” — *The Desire of Ages*, pp. 377, 378.

- a. Yesu alifanya nini ili kuzuia umati na wanafunzi wasifanye mipango yao ya kumweka kwenye kiti cha enzi duniani? Yohana 6:15.

[Wanafunzi na umati]Kwa hamu wanapanga kutekeleza kusudi lao hilo; lakini Yesu anaona mguu wao unakoelekea, na anaelewa, kwa namna ambavyo wao hawawezi, kile ambacho kingekuwa matokeo ya uelekeo wao ule. Hata sasa makuhani na wakuu wako wanawinda maisha yake. Wanamsh-taki kwa kuwavuta watu kwake kutoka kwao. Matumizi ya nguvu na ghasia vingefuata baada ya jitihada zao za kumweka kwenye kiti cha enzi, na kazi ya ufalme wa kiroho ingekwamishwa. Lazima mpango wao ule uzimwe. Akiwai-ta wanafunzi wake, Yesu aliwataka wachukue chombo na kurudi mara moja Kapernaumu, wakimwacha ili awaage watu watawanyike.

“hakukuwahi kamwe kuwa na agizo la Yesu lililo gumu kulitii kama hili. Wana-funzi walikuwa wamezitarajia kwa muda mrefu harakati za watu kumweka Yesu kwenye kiti cha enzi; hawakuweza kustahimili wazo kwamba matara-jio yote haya yangekuwa si kitu. Umati wa watu waliokuwa wanakusanyika kuisherehekea Pasaka walikuwa na hamu ya kumwona nabii mpya. Kwa wafuasi wake Yesu hali hii ilionekana kuwa fursa ya thamani ya kumsimika Bwana wao kwenye kiti cha enzi cha Israeli. Katika hamasa ya hamu yao hii ilikuwa vigumu kwao kwenda zao peke yao, wakimwacha Yesu peke yake katika pwani ile ya upweke. Walipinga mpango huo; lakini sasa Yesu alisema kwa mamlaka ambayo hakuwahi kuitumia kwao. Wakajua kwamba kuen-delea kukataa zaidi kusingesaidia lolote kwao, na wakiwa kimya waliondoka kuelekea baharini.” — *The Desire of Ages*, p. 378.

- b. Siku iliyofuata baada ya muujiza, umati ulifanya nini? Yohana 6:22–25.

“Mwujiza wa mikate ulisimuliwa maeneo ya mbali na karibu, na asubuhi sana na mapema umati mkubwa wa watu walikusanyika kuja Bethsaida kumwona Yesu. Walikuja kwa wingi sana kupitia nchi kavu na baharini. Wale waliokuwa wametoka kwake usiku uliokuwa umepita walirudi, wakitazamia kumkuta pale pale, maana hakukuwa na mashua ambayo angesafiria kwen-d upange mwingine. Lakini kumtafuta kwao hakukuzaa matunda, na wengi wakaazimia kwenda Kapernaumu, wakiendelea kumtafuta.

“Punde tu alikuwa amewasili huko Genesareti, baada ya kutokuwepo pale kwa siku moja. Muda mfupi tu baada ya kujulikana kwamba amefika nchi ile, watu „wakaenda mbio, wakizunguka nchi ile yote, wakaanza kuwachukua vitandani walio hawawezi, kwenda kila mahali waliposikia kwamba yupo.” Marko 6:55.” — *Ibid.*, pp. 383, 384.

- a. Je, ni ujumbe gani wa wazi na wa kukumbuka ambao Yesu alitoa kwa umati? Yohana 6:26, 27.
-

“Yesu hakuridhisha udadisi wao. Alisema kwa huzuni kwamba, „Ninyi mnanitafuta, si kwa sababu mliona ishara, bali kwa sababu mlikula ile mikate mkashiba.” Hawakumtafuta kwa ajili ya msukumo wowote wa maana; bali kama vile walivyokuwa wamelishwa mikate, walitamani kupata faida za kimwili kwa kujiunganisha naye. Mwokozi aliwahimiza kwamba, „Msikitendee kazi chakula chenye kuharibika, bali chakula kidumucho hata uzima wa milele; Msitafute faida za vitu vya kidunia. Juhudi zenu kubwa zisiwe kwa ajili ya kujipatia vitu kwa ajili ya maisha yalipo sasa, bali tafuteni chakula cha kiroho, na ile hekima itakayodumu hata kwa uzima wa milele.” — *The Desire of Ages*, p. 384.

- b. Je, ni swali gani ambalo Wayahudi walimwuliza Yesu kuhusu kazi za Mungu? Yohana 6:28. Eleza jibu ambalo Bwana alitoa. Yohana 6:29.
-

“Kwa muda fulani hamu ya wasikilizaji iliamshwa. Waliuliza kwa mshangao, “Tufanyeje ili tupate kuzitenda kazi za Mungu?” Walikuwa wamefanya matendo mengi na magumu ili kujithibitisha mbele za Mungu; na walikuwa tayari kusikia habari ya maadhimisho yoyote mapya ambayo yanguwahasabia wema mkubwa zaidi. Swali lao lilikuwa na maana kwamba, Tufanye nini ili tuistahili mbingu? Tunatakiwa kulipa gharama gani ili kuyapata maisha yajayo?

“Yesu akajibu, akawaambia, Hii ndiyo kazi ya Mungu, mmwamini yeye aliyetumwa na yeye.” Gharama ya mbinguni ni Yesu. Njia ya kwenda mbinguni ni kupitia imani kwake “Mwana-kondoo wa Mungu, aichukua-ye dhambi ya ulimwengu.” Yohana 1:29.” — *Ibid.*, p. 385.

“Toba ni kuipa kisogo nafsi yetu na kwenda kwa Kristo; na tunapompokea Kristo ili kwa njia ya imani yeye aweze kuishi maisha yake ndani yetu, matendo mema yatadhihirishwa.” — *Thoughts From the Mount of Blessing*, p. 87.

“Bwana na awasaidie watu Wake kutambua kwamba kuna kazi ya dhati inayopaswa kufanywa..... Na awasaidie kukumbuka kuwa nyumbani, kanisani, na ulimwenguni wanapaswa kufanya kazi za Kristo. Hawaachwi kufanya kazi peke yao. Malaika ni wasaidizi wao. Na Kristo ni msaidizi wao.” — *Testimonies for the Church*, vol. 8, p. 18.

- a. Ni ishara gani Wayahudi walitaka na ni ukweli gani wa kihistoria walioutaja? Yohana 6:30, 31. Yesu alisema nini kuhusu mkate kutoka mbinguni? Yohana 6:32, 33 .
-

"Wayahudi walimheshimu Musa kama mtoaji wa mana, wakielekeza sifa kwa chombo tu, wakipoteza hali ya kumwona Yeye aliyewezesha kazi ile kufanyika. Baba zao walikuwa wamemnug'unikia Musa, na walikuwa wameona mashaka na kukana kazi yake ya kimbingu. Sasa kwa namna ile ile watoto walimkataa Yeye aliyeleta ujumbe wa Mungu kwao. "Yesu akawaambia, Amin, amin, nawaambieni, Siye Musa aliyewapa chakula kile cha mbinguni." Mtoaji wa mana alikuwa amesimama miongoni mwao. Ni Kristo mwenyewe aliyekuwa amewaongoza Waebrania katika jangwa, na kila siku alikuwa amewalisha kwa mkate kutoka mbinguni. Chakula kile kilikuwa ni mfano wa mkate halisi utokao mbinguni. Roho ile iletayo uzima, inayotiririka kutoka katika utimilifu wa Mungu, ndiyo mana ya kweli." — *The Desire of Ages*, pp. 385, 386.

- b. Wakiwa na mawazo yao juu ya mkate wa asili, wa kimwili, ni ombi gani waliloomba—na Bwana alieleza nini? Yohana 6:34–36.
-

"Lugha ya mfano ambayo Kristo alikuwa ametumia ilikuwa inaeleweka kwa Wayahudi. Akivuviwa na Roho Mtakatifu, Musa alikuwa amesema, "Mwanadamu haishi kwa mkate tu, bali huishi kwa kila litokalo katika kinywa cha Bwana." Na nabii Yeremia alikuwa ameandika kwamba, "Maneno yako yalionekana, nami nikayala; na maneno yako yalikuwa ni furaha kwangu, na shangwe ya moyo wangu." Kumbukumbu la Torati 8:3; Yelemia. 15:16. Hata marabi wenyewe walikuwa na msemo kwamba, kula mkate, katika umuhimu wake wa kiroho, ilikuwa ni kujifunza sheria na kutenda matendo mema; na ilikuwa imesemwa mara kwa mara kwamba wakati wa kuja kwa Masihi Isareli wote watalishwa. Mafundisho ya unabii yaliyafanya wazi yale mafundisho ya kina ya kiroho yaliyokuwa katika mwujiza wa mikate. Kristo alikuwa anataka afunue fundisho hili kwa wasikilizaji wake wale waliokuwa katika sinagogi. Ikiwa wangukuwa wameelewa Maandiko, wangukuwa wameelewa maneno yake wakati aliposema kwamba, "Mimi ndimi chakula cha uzima." Siku moja tu iliyokuwa imepita, umati ule mkubwa wa watu, uliokuwa unazimia kwa njaa, ulikuwa umelishwa kwa mkate aliokuwa ametoa. Kama vile ambavyo walikuwa wamepata nguvu za mwili na kiburudisho kutokana na mkate ule, ndivyo pia kutokana na Kristo wangepata nguvu za kiroho zielekezazo katika uzima wa milele. — *Ibid.*, p. 386.

- a. Je, ni ahadi gani mbili zenye uhusiano wa karibu zinazotolewa kwa wale wanaojiungamanisha na Kristo—na hii inaletaje tumaini kwa kila mwenye dhambi? Yohana 6:37–40.

“wote waliompokea kwa imani [Yesu] Alisema kwamba wangekuwa na uzima wa milele. Hakuna hata mmoja ambaye angepotea.” — *The Desire of Ages*, p. 387.

“Usisikilize pendekezo la adui kukaa mbali na Kristo hadi uwe umejifanya bora zaidi; mpaka utakapokuwa mzuri vya kutosha kuja kwa Mungu. Ukisubiri hadi wakati huo, hautakuja kamwe. Shetani ana-poonyesha mavazi yako machafu, rudia ahadi ya Yesu, ‘Wala ye yote ajaye kwangu sitamtupa nje kamwe.’ Yoh 6:37. Mwambie adui kwamba damu ya Yesu Kristo inasafisha dhambi zote. Fanya maombi ya Daudi kuwa yako mwenyewe, ‘Unisafishe kwa hisopo, nami nitakuwa safi; unioshe, nami nitakuwa mweupe kuliko theluji.’ Zaburi 51:7.

“Simama uende kwa Baba yako. Atakulaki kwa mbali. Ukichukua hata hatua moja kuelekea Kwake katika toba, Yeye ataharakisha kukukumbatia katika mikono Yake ya upendo usio na kikomo. Sikio lake liko wazi kwa kilio cha nafsi iliyotubu. Jambo la kwanza kabisa la kufikia kutoka moyoni baada ya Mungu kujulikana Kwake. Sala haitolewi kamwe, kwa kuzimia roho, halimwagiki chozi, hata iwe siri kiasi gani, kamwe hamu ya dhati ya kutaka Mungu hudumishwa, iwe dhaifu kiasi gani, bali Roho wa Mungu hutoka kukutana nayo. Hata kabla maombi hayajasemwa au shauku ya moyo kujulikana, neema kutoka kwa Kristo hutoka ili kukutana na neema inayofanya kazi juu ya roho ya mwadamu. — *Christ's Object Lessons*, pp. 205, 206.

- b. Je! Wayahudi wasioamini walinung'unika nini na ni ahadi gani ambayo Yesu alirudia kwa wale waliomwamini? Yohana 6:41–51.

1. Baada ya muujiza wa mikate, wafuasi wa Kristo walipanga kufanya nini?
2. Elezea shauku kuu ya makutano yanayomfuata yesu.
3. Elezea maneno ya Yesu katika Yohana 6:29.
4. Kristo alitumia kielezi gani kueleza chanzo cha uhai wa kiroho?
5. Viongozi wa kiyahudi walionyeshaje ubaguzi wao dhidi ya Kristo?

Mgogoro Katika Galilaya

FUNGU LA KUKARIRI: "Amin, amin, nawaambia, Msipoula mwili wake Mwana wa Adamu na kuinywa damu yake, hamna uzima ndani yenu" (Yohana 6:53).

Inapendekezwa kusoma: *Testimonies for the Church*, vol. 5, pp. 573–580.

"Imani thabiti tu ni ile inayopokea na kuambukiza Ukweli mpaka uwe ni sehemu na nguvu ya kusudi la kiumbe inayoendesha maisha na matendo." — *Testimonies for the Church*, vol. 5, p. 576.

1. UHAI KATIKA MWILI NA DAMU YA KRISTO

Jpil, Apr 6

- a. a. Maneno ya Kristo yalikuwa na matokeo gani kwa viongozi wa kidini? Yohana 6:52. Alieleza nini kuhusu mwili wake na damu yake? Yohana 6:53–55

"Sasa marabi waliuliza kwa mshangao na hasira, „Awezaje mtu huyu kutupa sisi mwili wake ili tuule?" Waliyafanya maneno yake yaeleweke kwa maana yake ya kawaida kama vile ilivyokuwa kwa Nikodemo alipouliza kwamba, „Awezaje mtu kuzaliwa, akiwa mzee?" Yohana 3:4. Kwa kiasi fulani waliipambanua maana ya Yesu, lakini hawakuwa na utashi wa kuikubali. Kwa kuyafanya maneno yake yawe na maana tofauti, walitarajia kuwakoroga watu ili wawe kinyume chake." — *The Desire of Ages*, p. 389.

- b. Inamaanisha nini hasa kula mwili na kunywa damu ya Mwan wa Mungu? Yohana 6:56, 57; 1 Yohana 3:24; 5:12.

"Kuula mwili wake na kuinywa damu yake ni kumpokea Yeye kama Mwokozi, tukiamini kwamba anatusamehe dhambi zetu, na ya kwamba tu kamili ndani yake. Ni kwa kuliangalia pendo lake, kwa kukaa katika hilo, kwa kulinywa hilo, ili tupate kuwa washiriki wa namna alivyo. Lazima vile chakula kilivyo katika mwili ndivyo Kristo awe katika moyo." — *Ibid.*, p. 389.

a. Kwa maelezo gani ya ziada Yesu aliweka maana ya maneno yake wazi sana? Yohana 6:63.

“Chakula hakiwezi kutufaa isipokuwa hadi tukile, mpaka kiwe sehemu ya sisi. Vivyo hivyo Kristo hana thamani kwetu ikiwa hatumjui kama Mwokozi wetu binafsi. Kuyajua mambo kwa nadharia hakutatufaa lo-lote jema. Lazima tumle, tumpokee moyoni, ili kwamba maisha yake yawe maisha yetu. Upendo wake, neema yake, lazima isimizwe.....

“Uzima wa Kristo uletao uzima kwa ulimwengu uko katika neno lake. Yesu aliponya magonjwa na kutoa pepo kwa neno; kwa neno lake alituliza bahari, na kufufua waliokufa; na watu walitoa ushuhuda kwamba neno lake lilikuwa na nguvu. Alitamka neno la Mungu, kama alivyokuwa ametamka kupitia manabii na walimu wa kipindi cha Agano la Kale. Biblia yote ni udhihirisho wa Kristo, na Kristo alitaka kuisimika imani ya wafuasi wake katika neno. Wakati ambapo uwepo wake wa kimwili ungeondolewa, lazima neno ndilo liwe chanzo chao cha uweza. Kama alivyokuwa Bwana wao, walipaswa kuishi „kwa kila neno litokalo katika kinywa cha Mungu.” Mathayo 4:4.

“Kama vile maisha yetu ya kimwili yanavyowezeshwa na chakula, ndivyo maisha yetu ya kiroho yanavyowezeshwa na neno la Mungu. Na kila nafsi inatakiwa ipokee yenyewe uzima kutoka katika neno la Mungu. Kama vile ambavyo tunapaswa kula sisi wenyewe ili kupata lishe mwilini, ndivyo tunavyopaswa kupata neno sisi wenyewe. Hatupaswi kulipata kupitia njia ya akili ya mtu mwingine. Tunahitaji kuji-funza Biblia kwa uangalifu, tukimwuliza Mungu kwa msaada wa Roho Mtakatifu, ili ya kwamba tuelewe neno lake. Tunahitaji kuchukua aya moja, na kuelekeza akili katika kazi ya kupata uhakika wa wazo ambalo Mungu ameweka katika aya hiyo kwa ajili yetu. Yatupasa kukaa katika wazo hilo mpaka linapokuwa letu, na mpaka tujue kwamba “hivi ndivyo asemavyo Bwana.” — *The Desire of Ages*, pp. 389, 390.

b. Nabii Yereimia anaelezeaje tukio hili? Yereimia 15:16

“Ikiwa tutamchukua Mungu kwa Neno Lake, tutaona wokovu Wake.... Tunapaswa kupokea Neno la Mungu. Ni lazima tule Neno, tuishi Neno; ni mwili na damu ya Mwana wa Mungu. Ni lazima tule mwili Wake na kuinywa damu Yake — kupokea kwa imani sifa Zake za kiroho.” — *Testimonies for the Church*, vol. 6, pp. 51, 52.

- a. Maneno ya Kristo yalizusha mgogoro gani kati ya wanafunzi Wake mwenyewe—na ni jinsi gani hili ni onyo kwetu leo? Yohana 6:60, 61, 65, 66.

“Jaribio lile lilikuwa kubwa mno. Hamu ya wale waliotaka kumchukua kwa nguvu na kumfanya kuwa mfalme ilipoa na kuwa baridi. Walisema kwamba haya mazungumzo yaliyofanyikia katika sinagogi yalikuwa yamefungua macho yao. Sasa hawakuwa watu wa kudanganywa tena. Katika mawazo yao maneno yake yalikuwa uthibitisho wa moja kwa moja kwamba alikuwa siyo Masihi, na ya kwamba hakuna faida ya maisha ya duniani ambayo wangepata kwake. Walikuwa wamekubali uweza wake wa kufanya miujiza; walikuwa na hamu ya kuwekwa huru kutoka katika magonjwa na mateso; lakini wasingekubaliana na maisha yake ya kujikana. Hawakujali ufalme wa kiroho aliokuwa anausema. Wale watu wasiojali, wabinafsi, waliokuwa wamehangaika kumtafuta, hawakumhitaji tena. Kama asingetumia uweza na ushawishi wake kuwapatia uhuru kutoka kwa Warumi, wasingekuwa na haja naye.....

“Kwa kutumia maneno ya ukweli, makapi yalikuwa yantenganishwa na ngano. Kwa kuwa hawakuwa na kitu na walikuwa na hali ya kujihesabia haki kiasi kwamba hawakuwa tayari kupokea maonyo, wakiwa watu wenye kupenda ulimwengu sana kiasi cha kutoweza kuyakubali maisha ya kujishusha, wengi waligeuka wakamwacha Yesu. Wengi bado wanafanya kitu kile kile. Watu wanajaribiwa leo kama ilivyokuwa kwa wale wanafunzi katika sinagogi la kule Kapernaumu. Pindi ukweli unapoletwa mahali pake mioyoni mwao, wanaona kwamba maisha yao hayaendi kwa kupatana na mapenzi ya Mungu. Wanaona hitaji la badiliko la jumla ndani yao; lakini hawako tayari kuifanya kazi ya kujikana. Kwa hiyo wanakuwa na hasira dhambi zao zinapowekwa wazi. Wanaondoka wakiwa wamekwazwa, vile vile kama wanafunzi wale walivyomwacha Yesu, wakinung'unika kwamba, “Neno hili ni gumu, ni nani awezaye kulisikia?” — *The Desire of Ages*, pp. 391, 392.

- b. Baada ya wale wanafunzi kumwacha, Kristo aliwauliza nini wale kumi na wawili? Yohana 6:67. Tunawezaje kurudia jibu la hekima la Petro leo? Yohana 6:68, 69 .

“Kupitia habari njema na mbaya, kupitia giza, kupitia uadui wote wa mawakala wa Shetani, Jua la Uadilifu linaangaza kwa utulivu, likichunguza uovu, likikandamiza dhambi, na kufufua roho ya wanyenyekevu na waliotubu. ‘Bwana, tutakwenda kwa nani? Wewe unayo maneno ya uzima wa milele.’” — *Testimonies to Ministers*, p. 285.

- a. Tunaweza kusema nini kwa ujumla kuhusu wale wanaomwacha Kristo? 1 Yohana 2:19. Wanafunzi waliokata tamaa walichukua msimamo gani wenye kukatisha tamaa?

“Wakati wale wanafunzi ambao hawakuridhishwa walipogeuka na kumwacha Kristo, roho iliyo tofauti ilichukua utawala kwao. Katika Yeye waliyekuwa wamemwona akiwa na mvuto kwao hawakuona tena kitu cha kuvutia. Walitafuta kwenda kwa adui zake maana waliona hali ya kupatana na roho na matendo yao hao. Waliyatafsiri maneno yake vibaya, wakaziona kauli zake kuwa ni za uongo, na kupuuza mitazamo yake. Waliimarisha njia yao kwa kukusanya kila kitu ambacho kingeweza kutumika kumpinga; na hasira iliyokuwepo iliamshwa zaidi na habari hizo za uongo kiasi kwamba maisha yake yalikuwa hatarini.” — *The Desire of Ages*, pp. 392, 393.

- b. Ni nini kinatokea kwa wasikilizaji wenye nia ya kimwili? Waroma 16:17, 18 .

“Kuwasifu na kuwapongeza kunakuwa jambo la kufurahisha masikio yao; lakini ukweli haupendwi; hawawezi kuusikia. Wakati umati wa watu unapokuwepo, na makutano wanapolishwa, na milio ya tarumbeta ikasikika, sauti zao zinainuliwa juu zikisifu; lakini wakati Roho wa Mungu apelelezaye anapoifunua dhambi yao, na kuwahimiza kuiacha, wanaugeuzia ukweli migongo yao, na hawatembea tena na Yesu.” — *Ibid.*, p. 392.

- c. Kando na wale waliomwacha Yesu, ni nani mwingine aliunganishwa ndani na adui Zake—na utii huo nusunusu wa moyo ulidhihirishwaje? Yohana 6:70, 71 .

“Mazungumzo ya Kristo katika sinagogi kuhusu mkate wa uzima yalikuwa ndiyo hatima iliyogeuzia historia ya Yuda.....Aliona kwamba Kristo alikuwa anatoa mali ya kiroho kuliko ya kiulimwengu. Alijiona kama mtu anayeona mbali, na alifikiri kwamba aliweza kuona kuwa Kristo asingekuwa na heshima, na ya kwamba asingetoa vyeo vya juu kwa wafuasi wake. Aliazimia kutojifungamanisha na Kristo kwa karibu bali kwamba afikirie kujitenga. Angekuwa mtazamaji. Na kweli akawa mta-zamaji.

“Tangu wakati huo alionyesha mashaka ambayo yaliwachanganya wanafunzi. Alianzisha hoja za upinzani na upotoshaji, akirudia hoja zilizosisitizwa na waandishi na Mafarisayo dhidi ya madai ya Kristo. Yuda alitafsiri matatizo yote na misalaba midogo na mikubwa, ugumu na vikwazo vilivyoonekana kuzuia kazi ya injili kama ushahidi dhidi ya ukweli.” — *Ibid.*, p. 719.

a. Elezea tabia aliyoiendekeza Yuda. Yohana 12:4–6; Mithali 3:32.

“[Yuda]Alikuwa analeta maneno ya Maandiko ambayo yalikuwa hayahusiani na ukweli uliokuwa unafundishwa na Kristo. Maandiko haya, ambayo yame-tenganishwa na muktadha wake sahihi, yaliwatatanisha wanafunzi, na yali-ongeza hali ya mfadhaiko iliyokuwa imewasonga wakati wote. Lakini haya yote yalifanywa na Yuda katika hali ya kuonekana kwamba alikuwa makini.” — *The Desire of Ages*, p. 719.

b. Ni ahadi gani ambayo mara nyingi huthibitishwa katika uzoefu wetu wa kidini—hata katika hali kama vile mgogoro wa Galilaya? Warumi 8:28.

“Wakati Yesu alipousema ukweli wenye kujaribu uliosababisha wengi wa wanafunzi wake kugeuka nyuma, alijua kile ambacho kingekuwa matokeo ya maneno yake; lakini alikuwa na kusudi jema la kutimiza. Aliona mbele kwam-ba katika saa ya kujaribiwa kila mmoja wa wanafunzi wake angejaribiwa vikali. Masumbuko yake ya Gethsemani, kusaliwa kwake na kusulibishwa kwake, kwao yangukuwa majaribu magumu mno. Ikiwa kusingekuwa na jaribio la kutolewa kabla, wengi ambao walikuwa wamesukumwa na mivu-to ya ubinafsi wangukuwa wamefungamanishwa nayo. Wakati Bwana wao alipohukumiwa katika ukumbi wa hukumu; wakati makutano waliokuwa wamemtukuza kuwa ni mfalme wao walipopiga kelele za kumkataa na kumtukana; wakati umati wa watu wale waliokuwa wakimdhahi walipopi-ga kelele wakisema, “Msulibishe!” – wakati ambapo wangekatishwa tamaa kwa kukosa matarajio yao ya kiulimwengu, watu hawa ambao wanajitafu-tia manufaa binafsi, watu hawa wangeikana heshima ya Yesu na kuwasa-babishia wanafunzi wake huzuni chungu ilemeayo moyo, kama nyongeza kwa majonzi yao na kufadhaika kwa kuharibiwa kwa matumaini yao. Wakati wa saa ile ya giza, watu wale waliogeuka na kumwacha wangukuwa mfano mbaya kwa kuondoka na watu wengine pamoja nao. Lakini Yesu alileta huu wakati mgumu kwao ili akiwa bado yupo wazi wazi ana kwa ana apate kuen-delea kuimarisha imani ya wafuasi wake wa kweli.” — *Ibid.*, p. 394.

1. Tunapaswa “kula mwili wa Mwana wa Adamu na kunywa damu yake jinsi gani”?
2. Je, ina maana gani kumtazama Yesu?
3. Kwa nini wengine walichukizwa na maneno ya Kristo?
4. Walifanya nini baadaye—na ni jinsi gani hili ni onyo kwetu?
5. Eleza hali ya kiroho ya Yuda baada ya hili, na matokeo yake.

Yesu kwenye sikukuu ya vibanda

FUNGU LA KUKARIRI: “Wakashangaa mno kwa mafundisho yake, kwa kuwa neno lake lilikuwa na uwezo” (Luka 4:32).

Suggested Reading: *Thoughts From the Mount of Blessing*, pp. 31–35.

“Yesu alijua mahitaji ya moyo. Maadhimisho ya kifahari, utajiri, heshima haviwezi kutosheleza mahitaji ya moyo. “Mtu akiona kiu, na aje kwangu.” Walio matajiri, maskini, wenye cheo, walio wa hadhi ya chini, wanapokelewa kwa hali moja. Anaahidi kutuliza mawazo yenye mizi-go, kufariji wenye huzuni, na kuwapa tumaini waliokata tamaa.” — *The Desire of Ages*, p. 454.

1. MAISHA YA YESU NYUMBANI

Jpil, Apr 13

a. Je, Yesu alikabiliwa na changamoto gani nyumbani kwao mwenyewe? Yohana 7:5.

“Katika umri wake wa mapema, Yesu alikuwa ameanza kutenda kwa kujitegemea katika kutengeneza tabia yake, na hata heshima na upendo kwa wazazi wake havikuweza kumgeuza aache kutii neno la Mungu. „Imeandikwa” ilikuwa ndiyo sababu ya kila tendo ambalo lilitofautiana na desturi za familia. Lakini nguvu ya ushawishi ya marabi iliyafanya maisha yake yawe machungu. Hata wakati wa ujana wake ilikuwa lazima ajifunze somo gumu la kuwa kimya na mvumilivu.

“Kaka zake, walioitwa wana wa Yusufu, walikuwa upande wa msimamo wa marabi. Walisisitiza kwamba lazima mapokeo yazingatiwe, kwa kiwango kwamba yalikuwa matakwa ya Mungu. Hata walifikia hatua ya kuyaona mafundisho ya wanadamu kama vile yako juu sana kuliko neno la Mungu, na walichukizwa na maelezo ya wazi ya Yesu katika kutofautisha kati ya uongo na ukweli. Waliuhesabu utii wake kwa sheria ya Mungu kama ukaidi. Walishangazwa na ufahamu wake na hekima aliyoonyesha katika kujibu maswali ya marabi. Walijua kwamba haku-fundishwa elimu kutoka kwa wenye hekima, lakini hawakuona kingine bali kama vile alikuwa mwalimu wao. Waligundua kwamba elimu yake ilikuwa ya juu zaidi kuliko yao. Lakini hawakukiri kwamba alikuwa na uwezo wa kuufikia mti wa uzima, chanzo cha ufahamu ambao hawakuujua.” — *The Desire of Ages*, p. 86.

- a. Ndugu zake Kristo walitoa pendekezo gani Kwake ilipokari-bia Sikukuu ya Vibanda ya kila mwaka? Yohana 7:3, 4.

"Kaka zake walifikiri kuwa ni kosa kwake kujitenga na wakuu wale na wasomi wa taifa lao. Walidhani kwamba lazima watu hawa wako sahihi, na ya kwamba Yesu alikuwa na makosa kwa kujiweka katika nafasi ya kuwapinga. Lakini walikuwa wameshuhudia maisha yake yasiyolaumiwa kitu, na ingawa hawakujilinganisha na nafasi ya wana-funzi, walikuwa wameguswa sana na kazi zake. Umaarufu wake huko Galilaya ulikuwa unawavuta hisia zao; bado walitarajia kwamba ange-toa uthibitisho wa nguvu zake ambazo zingewafanya Mafarisayo wao-ne kwamba alikuwa vile alivyodai kuwa. Yawezekana akawa ni Masihi, Mfalme wa Israeli! Waliendelea na mawazo haya kwa majivuno

"Walikuwa na dukuduku kuhusu mambo hayo kiasi kwamba walim-taka aende Yerusalemu. Walisema, "Ondoka hapa uende Uyahudi, wanafunzi wako nao wapate kuzitazama kazi zako unazozifanya. Kwa maana hakuna mtu afanyaye neno kwa siri, naye mwenyewe ataka kujulikana. Ukifanya mambo haya, basi jidhihirishe kwa ulimwengu." Hilo neno "ukifanya" linaashiria mashaka mashaka na kutokuamini. Walimhusianisha na tabia ya woga na udahifu. Ikiwa alijua kwamba Yeye ni Masihi, kwa nini anaonyesha hali ngeni ya kujificha na kuacha kutenda? Ikiwa kweli amejazwa nguvu hivyo, kwa nini asiende Yeru-salemu kwa ujasiri, na kusema madai yake? Kwa nini kazi zile zinazo-simuliwa kuwa alizifanya huko Galilaya asizifanyie Yerusalemu? Usiji-fiche katika majimbo yasiyo maarufu na kufanya maajabu makubwa kwa ajili ya wakulima na wavuvi wasio na elimu. Jionyeshe katika mji mkuu, pata kuungwa mkono na makuhani na wakuu, na unganisha taifa katika kuanzisha ufalme mpya." — *The Desire of Ages*, p. 450.

- b. Eleza shida ambayo daima imekuwa ikikabiliwa na wapole. Zaburi 86:14.

"Hawa kaka za Yesu walitoa hoja zenye mwelekeo wa ubinafsi ulioo-nekana mara nyingi katika mioyo ya wale waliotamani kujionyesha wenyewe. Roho hii ilikuwa ndiyo roho itawalayo ulimwengu. Wali-chukizwa kwa sababu, badala ya kutafuta kiti cha enzi cha duniani, Kristo alijitangaza kuwa mkate wa uzima. Walikatishwa tamaa sana wakati wanafunzi wake wengi walipomwacha. Wao wenyewe waka-geuka kutoka kwake ili kuukwepa msalaba wa kukiri kile ambacho ki-lidhihirishwa na kazi zake – kwamba Yeye ni Aliyetumwa na Mungu." — *Ibid.*, p. 451.

- a. Ni maoni gani yanayopingana yaliyotolewa kuhusiana na Yesu? Yohana 7:11,12.
-

“Habari za miujiza ya Kristo zilikuwa zimeenea kutoka Yerusalemu kwenda kila mahali walikotawanyika Wayahudi; na ingawa kwa miezi mingi hakuwepo katika sherehe zilizofanyika, hamu ya watu kwake haikuwa imepungua. Watu wengi kutoka pande zote za ulimwengu walikuwa wamekuja kwenye Sikukuu ya Vibanda wakitumaini kumwona. Mwanzoni kabisa mwa sikukuu watu wengi walimwulizia. Mafarisayo na wakuu walimsubiria afike, wakitumainia kupata fursa ya kumhukumu. Waliulizia kwa hamu, „Yuko wapi yule?” lakini hakuna aliyejua. Kumfikiria kulikuwa kwa hali ya juu katika vichwa vya watu wote. Kwa kuogopa makuhani na wakuu, hakuna aliyethubutu kumkiri kama Masihi, lakini kila mahali kulikuwa na mjadala wa kimyakimya lakini mkali kumhusu Yeye. Wengi walimtetea kama Yeye aliyetumwa na Mungu, wakati wengine walimpinga kwamba ni mdanganyaji wa watu.” — *The Desire of Ages*, pp. 451, 452.

- b. Je, ni kwa jinsi gani Yesu alinyamazisha maoni yenye mabishano kumhusu yeye Mwenyewe? Yohana 7:14–18; Luka 4:32.
-

“Katikati ya sikukuu, wakati msisimko wa shauku ya watu kumtafuta ulipokuwa katika kiwango cha juu, aliingia katika kiwanja cha hekalu mahali walipokuwa makutano. Kwa kule kutokuwepo katika sikukuu ile, watu walikuwa wamedhani kwamba hakupenda kujileta katika nguvu za makuhani na wakuu. Sasa wote walishangazwa na kuwepo kwake. Kila sauti ilinyamazishwa. Wote walishangazwa na heshima na ujasiri aliokuwa nao alipokuwa katikati ya adui zake wenye nguvu ambao walikuwa na kiu ya uhai wake. Maneno yake yalionyesha hali ya kuzijua sheria na taasisi za Waisraeli, kujua ibada za kafara na mafundisho ya manabii, akionyesha kuwazidi kwa mbali makuhani na marabi. Alivunja na kuvuka vizuizi vya dini ya matendo yaliyo rasmi ya nje na ya mapokeo. Matukio ya siku za usoni yalikuwa kama yanaonekana mbele yake. Kama mtu aliyemwona Yeye Asiyeonekana, aliongelea mambo ya duniani na ya mbinguni, ya kibinadamu na ya kimbingu, akiwa na mamlaka. Maneno yake yalikuwa wazi sana na kushawishi, na kwa mara nyingine, kama ilivyokuwa kule Kapernaumu, watu walishangazwa na mafundisho yake; “Kwa kuwa neno lake lilikuwa na uwezo.” Luka 4:32..... Wote walistaajabia ujuzi wake wa sheria na unabii.” — *Ibid.*, pp. 452, 453.

- a. Yesu alitambua nini kutoka kwa marabi na aliuliza swali gani kwao? Yohana 7:19.
-

“Yesu aliwapa marabi wale ushahidi wa uungu wake kwa kuwaonyesha kwamba alisoma mioyo yao. Muda wote tangu uponyaji wa kule Bethzatha walikuwa wanatafuta kumwua. Kwa njia hiyo wao wenyewe walikuwa wanavunja sheria waliyodai kwamba walikuwa wanaitetea. „Je! Musa hakuwapa torati?” alisema, „Wala hakuna mmoja wenu aitendaye torati. Mbona mnatafuta kuniua?” — *The Desire of Ages*, p.456.

- b. Katika jibu lao kwa Kristo, marabi walimshtaki juu ya nini — na yeye alijibu vipi kwa upande wake? Yohana 7:20–23.
-

Kwa dhana hii [kwamba matendo yake ya ajabu yalichochewa na roho mwovu]. Aliendelea kuwaonyesha kwamba kazi yake ya kuponya kule Bethzatha ilikuwa inapatana na sheria ya Sabato, na kwamba ilihali-lishwa na tafsiri ambayo Wayahudi wenyewe waliweka kuhusu sheria hiyo. Alisema, “Musa aliwapa tohara; . . . nanyi siku ya sabato humtahiri mtu.” Kwa mujibu wa sheria, kila mtoto lazima atahiriwe mnamo siku ya nane. Ikiwa muda huo ulioamuriwa ungeangukia siku ya Sabato, lazima desturi hiyo itimizwe siku hiyo hiyo. Ni zaidi kiasi gani kwamba kiini cha sheria hiyo kinapatana na tendo la kumfanya mtu „kuwa mzi- ma kabisa siku ya sabato.” — *Ibid.*, pp. 456, 457.

- c. Elezea kwa upana umuhimu wa onyo la kristo lililofuatia. Yoh- ana 7:24.
-

“Wale wakuu walinyamazishwa; na watu wengi walisema kwa mshangao, „Je! Huyu siye wanayemtafuta ili wamwue? Na kumbe! Anena waziwazi, wala hawamwambii neno! Yamkini hao wakuu wanajua hakika ya kuwa huyu ndiye Kristo?” — *Ibid.*, p. 457.

“[Kristo] haangalii tu sura ya nje; Yeye hahukumu kama mwanadamu ahukumavyo. Hamthamini mwanadamu kulingana na cheo chake, kipawa chake, elimu, au wadhifa wake. ‘Mtu huyu nitamtazama,’ ana- sema nae, ‘hata yeye aliye maskini, mwenye roho iliyopondeka, ate- temekaye asikiapo neno langu.” — *The Signs of the Times*, October 21, 1897.

- a. Maandiko yanaonyeshaje hali ya kiakili ya jamii katika ulimwengu huu—mara nyingi kama inavyoonekana katika nyakati za kale, lakini hasa siku hizi? Isaya 59:14, 15.

“Mawakala wa uovu wanaunganisha nguvu zao na kujizatiti. Wanajiimarisha kwa zahama kuu ya mwisho. Mabadiliko makubwa hivi karibuni yatatokea katika ulimwengu wetu, na harakati za mwisho zitakuwa za haraka sana. Adui amefanikiwa kupotosha haki na kujaza mioyo ya watu na misukumo ya faida za ubinafsi. Vilio vya watu wanaotaabika kwa njaa huja mbele za Mungu, wakati kwa kila aina ya ukandamizaji na ulafi watu wanaundika utajiri mkubwa.” — *Testimonies for the Church*, vol. 9, pp.11, 12.

- b. Katikati ya zahama, kwa nini tunaweza kuziamini njia za Mungu? Isaya 55:8,9.

“Ingawa akili finyu za wanadamu hazitoshi kuingia katika mashauri yake Aliye wa Milele, au kuelewa kikamilifu utendaji wa makusudi yake, hata hivyo mara nyingi ni kwa sababu ya kosa fulani au kupuuza kwa upande wao kwamba wanaelewa kwa uhafifu sana ujumbe wa Mbinguni. Si mara chache ambapo mawazo ya wanadamu, na hata ya watumishi wa Mungu, hupofushwa na maoni ya wanadamu, mapokeo na mafundisho ya uongo ya wanadamu, kiasi kwamba wana uwezo wa kuelewa kwa sehemu ndogo tu mambo makuu ambayo Mungu ameyafunua katika neno lake.” — *The Great Controversy*, pp. 344, 345.

“Mfano bora wa Mungu kwa watoto Wake uko juu kuliko ambavyo fikira ya juu kabisa ya mwanadamu inaweza kufikia. Ametoa katika sheria yake takatifu nakala ya tabia Yake.” — *Testimonies for the Church*, vol. 8, p. 63.

MASWALI TAFAKARI BINAFSI

Iju, Apr 18

1. Eleza mazingira ya nyumbani ambapo Yesu alilelewa.
2. Mtazamo unaoonyeshwa na ndugu za Kristo unarudiwaje mara nyingi leo?
3. Ni maoni gani yanayopingana yaliyosambazwa kuhusu Yesu?
4. Eleza roho ambayo marabi walionyesha kwa Yesu.
5. Eleza tofauti kubwa kati ya njia za mwanadamu na zile za Mungu.

Hakuna Aliyenena Kama Mtu Huyu

FUNGU LA KUKARIRI: “Wale watumishi wakajibu, Hajanena kamwe mtu ye yote kama huyu anavyonena.” (Yohana 7:46).

Inapendekezwa kusoma: *Testimonies to Ministers*, pp. 506–512.

“Mtazamo wa kuthamini ukweli Alisema kwamba kufahamu na kuukubali ukweli hakutegemei sana akili bali moyo. Lazima ukweli upokelewe moyoni; unahitaji kupokelewa katika utashi.” — *The Desire of Ages*, p. 455.

1. MASILAHU YA WATU KWA YESU

Jpil, Apr 20

- a. Waliposikia na kumwona Yesu akihubiri waziwazi, baadhi ya Wayahudi waliuliza nini? Yohana 7:25,26.

“Wengi miongoni mwa waliomsikia Yesu waliokuwa wakazi wa pale Yerusalem, na ambao hawakujua njama za wakuu dhidi yake, walijihisi kuvutwa kwake kwa nguvu isiyopingika. Walisadikishwa kwamba alikuwa Mwana wa Mungu.” — *The Desire of Ages*, p. 457.

- b. Shetani alifanyaje juu ya watawala ili kuzua mashaka? Yohana 7:27.

Lakini Shetani alikuwa tayari kuwaletea mashaka; na kwa ajili ya jambo hilo njia iliandaliwa kupitia kwa mawazo yao wenyewe ya makosa kuhusu Masihi na kuja kwake. Kwa ujumla iliaminika kwamba Kristo angezaliwa Bethlehemu, lakini kwamba baada ya muda angetoweka, na katika kuja kwake mara ya pili hakuna ambaye angejua atokako. Si watu wachache walioamini kwamba Masihi asingekuwa na mahusiano ya kawaida na wanadamu. Na kwa kuwa uelewa wa wengi kuhusu utukufu wa Masihi haukuendana na vile Yesu wa Nazareti alivyokuwa, wengi waliyasikiliza madai kwamba, “Lakini huyu twamjua atokako; bali Kristo atakapokuja hakuna ajuaye atokako.” — Ibid.

- a. Aliposoma mawazo ya wasikilizaji wake wenye shaka, Yesu aliwaambia nini? Yohana 7:28.

“Wakati walipokuwa wakiyumba-yumba katikati ya mashaka na kuumini, Yesu aliyachukua mawazo yao na kuwajibu: „Mimi mnanijua, na huko nitokako mnakujua; wala sikuja kwa nafsi yangu; ila yeye aliye-nipeleka ni wa kweli, msiyemjua ninyi.” Walidai kujua mahali ambako Kristo angetoka, lakini walikuwa katika ujinga kuhusu hilo. Ikiwa wangukuwa wameishi kulingana na mapenzi ya Mungu, wangemjua Mwanawe wakati alipodhihirishwa kwao.” — *The Desire of Ages*, p. 457.

- b. Kwa kukosa hoja za mabishano ya kumkemea Yesu, ni kwa njia gani viongozi wa Kiyahudi walijaribu kumnyamazisha? Yohana 7:30 (sehemu ya kwanza). Kwa kweli, kwa nini hawakuweza kumkamata? Yohana 7:30 (sehemu ya mwisho)

“Wale wasikilizaji waliyaelewa maneno ya Kristo. Yalikuwa marudio ya wazi ya madai yale aliyokuwa ametoa mbele ya Sanhedrin miezi mingi iliyopita, wakati alipojitangaza kama Mwana wa Mungu. Kadiri wakuu walivyojaribu kufuatilia mauti yake, ndivyo walivyotafuta kumkamata; lakini walizuiwa na nguvu isiyoonekana, ambayo iliweka ukomo wa hasira zao, ikiwaambia, Mtaenda mpaka hapo, lakini si zaidi.” — *Ibid.*

- c. Jinsi gani wengi walionyesha imani yao katika Yesu-na watawala walipanga kufanya nini mara walipotambua mguso wa watu Kwake? Yohana 7:31, 32.

“Viongozi wa Mafarisayo, ambao walikuwa wanaangalia kwa hamu mwenendo wa matukio, waliona kwamba watu wanamkubali. Wakiharakisha kwenda kwa wakuu wamakuhani, waliweka mipango ya kumkamata. Hata hivyo walipanga kumchukua akiwa peke yake; maa-na hawakuthubutu kumkamata mbele ya watu.” — *Ibid.*, pp. 457, 458.

- a. Katika siku ya mwisho ya karamu, ni mfano gani mzuri ambao Yesu alitumia kutoa faraja kwa roho zilizochoshwa na dhambi? Yohana 7:37,38.

"Moyo unaopokea neno la Mungu si kama dimbwi linaloyeyuka, si kama birika lililovunjika linalopoteza hazina yake. Ni kama mkondo wa maji mli-mani, unaolishwa na chemchemi zisizokwisha, ambazo maji yake baridi, yanayometa huruka kutoka mwamba hadi mwamba, yakiwaburudisha waliochoka, wenye kiu, wenye kulemewa na mizigo. Ni kama mto una-otiririka kila mara na, unaposonga mbele, unazidi kuwa na kina zaidi na zaidi, mpaka maji yake yanayotoa uhai yanapoenea juu ya dunia yote. Ki-jito kinachoimba njiani kinaacha nyuma zawadi yake ya uimara na kuzaa matunda. Nyasi kwenye kingo zake ni kijani kibichi zaidi, miti ina majani mengi, maua ni mengi zaidi. Wakati dunia iko wazi na kahawia chini ya joto kali la majira ya joto, sehemu ya kijani kibichi huashiria mkondo wa mto.

"Ndivyo ilivyo kwa mtoto wa kweli wa kweli wa Mungu. Dini ya Kristo inajidhihirisha yenyewe kama kanuni yenye uhai, inayoenea, inayofanya kazi na ya kiroho. Moyo unapofunguliwa kwa ushawishi wa mbinguni wa ukweli na upendo, kanuni hizi zitatiririka tena kama vijito katika jangwa, na kusababisha matunda kuonekana ambapo sasa ni utasa na shida. — *Prophets and Kings*, pp. 233, 234.

"Ikiwa mtu ye yote ana kiu' ya tumaini lenye utulivu, kwa ajili ya kukombolewa kutoka katika tabia za dhambi, Kristo asema, 'Mtu akiona kiu na aje kwangu, anywe.' Yoh 7:37." — *The Ministry of Healing*, p. 179.

- b. Je, mwaliko huu unaweza kueleweka vipi zaidi? Yohana 7:39.

"Kristo aliwasilisha kanuni za Ukweli katika injili. Katika mafundisho Yake tunaweza kunywa kutoka kwenye vijito safi vinavyotiririka toka katika kiti cha enzi cha Mungu." — *Testimonies for the Church*, vol. 8, p. 309.

"Tunachokihitaji ni dini hai. Mtu mmoja mwenye dhana wazi ya wajibu, ambaye roho yake iko katika ushirika na Mungu na ambaye ana shauku kubwa kwa ajili ya Kristo, atainua kiwango chenye nguvu cha ushawishi kwa wema. Hanywi katika mkondo wa chini, wenye uchafuzi, ulionajisika lakini kutoka katika chemchemi kuu safi, maji yaliyo juu kwenye kichwa cha chemchemi, na anaweza kuwasilisha roho mpya yenye nguvu kwa kanisa. Kadri shinikizo kutoka nje linavyodhidi, Mungu angependa kanisa lipewe nguvu na ile Kweli yenye thamani. adhimu, safi na takatifu wanayoiamini. Roho mtakatifu kutoka mbinguni akifanya kazi na mabinti na wana wa Mungu, watavishinda vikwazo na kuteka nyara maeneo nyeti ya adui. Mungu ana ushindi mkuu umehifadhiwa kwa wapenda Kweli, kwa watu Wake wazitunzao amri za Mungu." — *Ibid.*, vol. 5, p. 581.

a. Kutokana na kurejelea kwa Kristo katika maji ya uzima, wengi walikata kauli gani—na kwa nini? Yohana 7:40 (linganisha Kumbukumbu la Torati 18:15).

b. Ingawa wengine walitiwa moyo na tumaini kutokana na tazamio kama hilo, wengine waliitikiaje? Yohana 7:41–44.

c. Je, maafisa walikuwa wamepokea agizo gani kutoka kwa watawala wao? Yohana 7:45. Kwa nini hawakuweza kuja kumkamata Yesu? Yohana 7:46.

“Siku ya mwisho ya sikukuu, wale maafisa waliotumwa na makuhani na wakuu ili kumkamata Yesu, walirudi bila kwenda naye. Waliulizwa kwa hasira, “Mbona hamkumleta?” Kwa mwonekano thabiti walijibu, “Hajanena kamwe mtu yeyote kama huyu anavyonena.”

“Wakiwa wamefanywa wagumu kama mioyo yao ilivyokuwa, walikuwa wameyeyushwa na maneno yake. Wakati alipokuwa ananena katika kiwanjacha hekalu, walikuwa wamekawilia-kawilia karibu, ili kunasa kitu ambacho kingetumika kumpinga. Lakini kadiri walivyosikiliza, lile lengo walilotumwa kulitekeleza lilisahaulika. Walisimama walipoona watu wakiingia. Kristo alijidhihirisha nafsini mwao. Waliona kile ambacho makuhani na wakuu wasingeona, - uanadamu ulifurikishwa utukufu wa kimbingu.” — *The Desire of Ages*, p. 459.

“[Kristo] Alitumia vitu vya asili ambavyo walivifahamu, ili kueleza Ukweli wa Uungu/mbingu. Hivyo udongo wa moyo ulitayarishwa kupokea mbegu nzuri. Aliwafanya wasikilizaji Wake wahisi kwamba makusudi Yake yalihusishwa na yao, kwamba moyo Wake ulidunda kwa huruma pamoja nao katika furaha na huzuni zao. Wakati huo huo waliona ndani Yake udhihirisho wa uwezo na ubora ulio mbali sana na ule waliokuwa nao marabi wao walioheshimika zaidi. Mafundisho ya Kristo yalitiwa alama ya usahili, hadhi, na uwezo ambao haukujulikana hapo awali, na mshangao wao usio wa hiari ulikuwa: “Hakuna mtu aliye-nena kama Mtu huyu kamwe.” Watu walimsikiliza kwa furaha; lakini makuhani na watawala—wenyewe wakijidanganya kuwa walinzi wa ile Kweli—walimchukia Kristo kwa ajili ya neema ile ile iliyofunuliwa, ambayo iliwavuta makutano waifuata Nuru ya uzima. Kupitia ushawishi wao taifa la Kiyahudi, kwa kushindwa kutambua tabia Yake takatifu, ilimkataa Mkombozi.” — *Testimonies for the Church*, vol. 5, p. 747.

a. Wakuu wa makuhani na Mafarisayo waliwakemeaje watumishi? Yohana 7:47–49.

b. Rejea mazungumzo yaliyofuata na Nikodemo—yakifunua ukuaji wake tangu mahojiano yake ya usiku na Kristo katika Yohana sura ya 3. Yohana 7:50–52.

“[Nikodemo] alificha kweli moyoni mwake, na kwa miaka mitatu kulikuwa na matunda machache dhahiri. Lakini wakati Nikodemo hakuwa amemkiri Kristo hadharani, katika baraza la Sanhedrin alikuwa amezuia mara kwa mara njama za makuhani za kumwangamiza.” — *The Acts of the Apostles*, p. 104.

“Somo ambalo Kristo alikuwa amempa Nikodemo [katika ziara yake ya usiku katika Yohana sura ya 3] halikuwa bure. Usadikisho ulikuwa umeingia kwenye akili yake, na moyoni mwake alikuwa amemkubali Yesu. Tangu mahojiano yake na Mwokozi, alikuwa amechunguza kwa bidii Maandiko ya Agano la Kale, na alikuwa ameona ukweli umewekwa katika mazingira ya kweli ya injili.

“Swali lililouliza lilikuwa la busara, na lingejipendekeza kwa wale waliokuwa wakisimamia baraza kama hawange danganywa na adui. Lakini walikuwa wamejawa na ubaguzi hivi kwamba hakuna hoja yoyote iliyompendelea Yesu wa Nazareti, hata iwe yenye kusadikisha, ilikuwa na uzito wowote kwao. Jibu ambalo Nikodemo alipokea, lilikuwa, ‘Je, wewe pia unatoka Galilaya? Chunguza, na utazame, kwa maana hatoki nabii katika Galilaya.

“Makuhani na watawala walikuwa wamedanganywa, kama Shetani alivyokusudia wawe, kuamini kwamba Kristo alitoka Galilaya. Wengine waliojua kwamba alizaliwa Bethlehemu, walinyamaza, ili uwongo usipoteze uwezo wake.” — *The SDA Bible Commentary [E. G. White Comments]*, vol. 5, p. 1136.

MASWALI TAFAKARI BINAFSI

Ijum, Apr 25

1. Kwa nini Yesu alivutia umakini na heshima ya watu?
2. Je, watawala wa Kiyahudi waliendeleaje kujaribu kumzuia Yesu?
3. Je, Yesu alitoa wito gani hadharani siku ya mwisho ya sikukuu?
4. Eleza ugomvi mkubwa uliotokea kama matokeo.
5. Kufikiria watu ninaowajua, nikumbuke nini kuhusu Nikodemo?

Sadaka za sabato ya kwanza

SABATO, MEI 3, 2025

Kwa Misheni za Dunia



Leo, ujumbe ufaao unasikika:

"Roho ya umishonari inahitaji kuhuishwa katika makanisa yetu. Kila mshiriki wa kanisa anapaswa kujifunza jinsi ya kusaidia kuendeleza kazi ya Mungu, katika misheni ya nyumbani na katika nchi za kigeni. Ni takriban sehemu elfu moja ya kazi inayofanywa ambayo inapaswa kufanywa katika maeneo ya mishonari. Mungu anawaita watenda kazi wake wamuongezee eneo jipya. Kuna mashamba mengi ya kazi yanayomngoja mfanyakazi mwaminifu. Na malaika wanaohudumu watashirikiana na kila mshiriki wa kanisa ambaye atafanya kazi bila ubinafsi kwa ajili ya Bwana.

"Kanisa la Kristo duniani liliundwa kwa madhumuni ya kimisionari, na Bwana anatamani kuona kanisa zima likibuni njia na njia ambazo kwazo wakubwa kwa wadogo, matajiri na maskini, wapate kusikia ujumbe wa ukweli. Sio wote wameitwa kufanya kazi ya kibinafsi katika nyanja za kigeni, lakini wote wanaweza kufanya kitu kwa sala zao na karama zao kusaidia kazi ya umishonari.

"Mfanyabiashara wa Kiamerika ambaye alikuwa Mkristo mwenye bi-dii, katika mazungumzo na mfanyakazi mwenzake alisema kwamba yeye mwenyewe alifanya kazi kwa ajili ya Kristo saa ishirini na nne za siku. "Katika mahusiano yangu yote ya kibiashara," alisema, najaribu kumwakilisha Mwalimu wangu. Nikiwa na nafasi, najaribu kuwavuta wengine Kwake. Siku nzima ninafanya kazi kwa ajili ya Kristo. Na usiku, nikiwa nimelala, nina mtu anayenifanyia kazi huko Uchina.

"Aliongeza hivi katika maelezo: „Katika ujana wangu niliazimia kwenenda kama mmishonari kwa mataifa. Lakini baada ya kifo cha baba yangu ilinibidi nirithi biashara yake ili kuandalia familia. Sasa, badala ya kwenda mwenyewe, nilijishughulisha na mambo mengine nina msaidia mmishonari. Katika mji kama huo wa jimbo kama hilo la Uchina, mfanyakazi wangu yuko kazini. Na kwa hivyo, hata nilalapo, kupitia mwakilishi wangu, bado ninafanya kazi kwa ajili ya Kristo." — *Testimonies for the Church*, vol. 6, pp. 29, 30.

Sasa zaidi ya hapo awali ni wakati wa kuwekeza katika benki ya Mbinguni kupitia misheni ya ulimwengu. Haitakuwa rahisi, na baadaye inaweza kuwa kuchelewa sana. Nafsi zinaangamia bila Kristo na ukweli wa sasa, na Bwana ametukabidhi nuru ya thamani ili ienezwe kuzunguka sayari hii. Tafadhali toa kwa ukarimu, na Bwana akubariki sana na zawadi yako. Asante!

Idara ya Shule ya Sabato ya GC

“Wala Mimi Sikuhukumu”

FUNGU LA KUKARIRI: “Wala mimi sikuhukumu; enenda zako, wala usitende dhambi tena” (Yohana 8:11, sehemu ya mwisho).

Inapendekezwa kusoma: *Testimonies for the Church*, vol. 2, pp. 73–77.

“Upendo wa Kristo ni wa pole pole, wa haraka kuona toba, tayari kusamehe, kutia moyo, kumweka atangatangaye katika njia nyofu, na kusimika miguu ya mtu humo.” — *The Desire of Ages*, p. 462.

1. MTEGO KWA YESU

Jpil, Apr 27

- a. Yesu alipokuwa akifundisha hekaluni, waandishi na Mafarisayo walifanya nini? Yohana 8:2–3.

“[Kristo]Baada ya muda mfupi alikatizwa. Kundi la Mafarisayo na waandishi walikaribia, wakimkokota mwanamke aliyekuwa chini ya viti-sho, ambaye walimshtaki kwa sauti za fujo na hasira kwamba amevunja amri ya saba.” — *The Desire of Ages*, p. 460.

- b. Kwa kuonyesha heshima kubwa ya juujuu kwa sheria, ni swali gani ambalo Mafarisayo walimwuliza Kristo—na nia yao hasa ilikuwa nini? Yohana 8:4–6 (sehemu ya kwanza).

“Ile heshima ya kuigiza ilificha njama kubwa ya kumwangamiza. Wali-kuwa wametumia fursa hii ili kupata kumhukumu, wakifikiri kwamba uamuzi wowote ambao angefanya, ungewapatia uwezekano wa kumshtaki. Ikiwa angemwachia huru yule mwanamke, angetuhumiwa kwa kudharau sheria ya Musa. Ikiwa angemtangaza kustahili kifo, angeshtakiwa kwa Warumi kama mtu aliyejipatia mamlaka ambayo ilikuwa yao peke yao.” — *Ibid.*, pp. 460, 461.

a. Yesu alijibuje uwongo wa Mafarisayo? Yohana 8:6 (sehemu ya mwisho).

“Yesu aliliangalia kidogo tukio lile, - yule mhanga aliyekuwa anatetemeka katika aibu yake, waheshimiwa wale wenye nyuso zilizokakamaa, wakiwa hawana huruma hata ya kibinadamu. Roho yake iliyo safi ilisinyaa kwa tukio lile. Alijua vema kusudi la shauri hili kuletwa kwake. Alisoma moyo, na alijua tabia na historia ya maisha ya kila mmoja aliyekuwa pale. Hawa watu waliotarajiwa kuwa wasimamiaji wa haki ndio ambao walikuwa wamemfanya mhanga huyu kuangukia dhambini, ili ya kwamba wapate kuweka mtego kwa ajili ya kumnasa Yesu. Akiwa haonyeshi isha-ra yoyote kwamba amesikia swali lao, aliinama, naye akikaza macho yake chini, alianza kuandika katika mavumbi.”—*The Desire of Ages*, p. 461.

b. Je, Yesu alionyesha kwamba washitaki wenyewe hawakuwa bila dhambi—na walifanya nini basi? Yohana 8:7–9.

“Washtaki walikuwa wameshindwa. Sasa, kanzu yao ya utakatifu wa bandia ilichanika kutoka kwao, wakasimama mbele ya Mwenye Usafi wote, wakiwa katika kuhukumiwa na aibu. Walitetemeka wakihofu kwamba maovu ya maisha yao yaliyofichwa yangeanikwa wazi kwa makutano; na mmoja baada ya mwingine, wakiwa wameinamisha vichwa na macho yao, waliondoka, wakimwacha nyuma yule mhanga na Mwokozi mwenye huruma.” — Ibid.

c. Kwa ujumla, sote tunapaswa kujifunza nini kutokana na maneno ya Yesu kwa washtaki? Luka 6:42.

“Kuna wale ambao hawajakomaa katika shauku yao ya kurekebisha mambo ambayo kwao yanaonekana kuwa ni makosa. Wanafikiri kwamba wanapaswa kuchaguliwa kuchukua nafasi ya wale ambao wamefanya makosa. Hawathamini kile ambacho wafanyakazi hawa wamefanya wakati wengine walikuwa wakiwatazama na kuwakosoa. Kwa matendo yao wanasema: „Ninaweza kufanya mambo makubwa zaidi. Ninaweza kuendelea na kazi hiyo kwa mafanikio.” Kwa wale wanaodhani kuwa wanajua vizuri jinsi ya kuepuka makosa, nimeagizwa kusema: “Msihukumui, msije mkahukumiwa ninyi.” Mathayo 7: 1-5. Unaweza kuepuka makosa katika maeneo kadhaa lakini kwa mambo mengine unaweza kufanya makosa makubwa, ambayo yatakuwa vigumu sana kurekebisha na ambayo yanaweza kuleta mkanganyiko katika kazi. Makosa haya yanaweza kudhuru zaidi kuliko yale ambayo ndugu zako wameyafanya.” — *Testimonies for the Church*, vol. 7, p. 279.

- a. Ni swali gani ambalo Yesu alimwuliza mwanamke baada ya washtaki wake kuondoka—na jinsi gani njia Yake ya kushughulikia hali hiyo ingeathiri maisha yake? Yohana 8:10, 11 .

“Yule mwanamke alikuwa amesimama mbele ya Yesu, akiingiwa na hofu. Maneno yake, ‘Yeye asiye na dhambi miongoni mwenu na awe wa kwanza wa kumtupia jiwe,’ yalikuwa yamemjia kama hukumu ya kifo. Hakuthubutu kuinua macho yake kwenye uso wa Mwokozi, lakini alingojea kimyakimya adhabu yake. Kwa mshangao aliona washitaki wake wakiondoka wakiwa hawana la kusema na kufadhaika; ndipo maneno yale ya matumaini yakaanguka sikioni mwake, ‘Wala mimi sikuhukumu: enenda zako, wala usitende dhambi tena.’ aliungama dhambi zake.

“Huu ulikuwa kwake mwanzo wa maisha mapya, maisha ya usafi na amani, yaliyowekwa wakfu kwa Mungu. Katika kuinuliwa kwa nafsi hii iliyoanguka, Yesu alifanya muujiza mkubwa zaidi kuliko kuponya ugonjwa mbaya sana wa kimwili; Aliponya ugonjwa wa kiroho unaoleta kifo cha milele. Mwanamke huyu aliyetubu akawa mmoja wa wafuasi Wake walio imara zaidi. Kwa upendo wa kujitolea alionyesha shukrani zake kwa rehema yake ya kusamehe. Kwa mwanamke huyu mkosaji ulimwengu ulikuwa na dharau, lakini Yule asiye na dhambi alihurumia udhaifu wake na akamfikishia mkono wa kusaidia. Wakati Mafarisayo wanafiki walishutumu, Yesu alimwambia, ‘Nenda, wala usitende dhambi tena.’” — *The Ministry of Healing*, p. 89.

“Katika kitendo chake cha kumsamehe yule mwanake na kumtia moyo kuishi maisha mazuri zaidi, tabia ya Yesu hung’ariza uzuri kuhesabiwa haki kikamilifu. Huku akiwa haondoi madhara ya dhambi, wala hapunguzi hali ya kujijutia hatia, Yeye hatafuti kuhukumu bali kuokoa. Kwa huyu mwanamke mwenye makosa ulimwengu ulikejeli na kudhihaki; bali Yesu hunena maneno ya faraja na tumaini.” — *The Desire of Ages*, p. 462.

- b. Elezea athari ya neema ya wokovu ya Kristo. Luka 7:37–40, 47, 48 .

“Yesu anajua mazingira ya kila nafsi. Kadiri hatia ya mwenye dhambi inavyozidi, ndivyo anavyomhitaji zaidi Mwokozi. Moyo wake wa upendo wa kimungu na huruma huvutwa zaidi ya yote kwa yule ambaye amenaswa bila matumaini katika mitego ya adui. Kwa damu Yake Mwenyewe ametia sahihi karatasi za ukombozi wa mbio.” — *The Ministry of Healing*, pp. 89, 90.

- a. Ni nini cha kubainisha mtazamo wetu, hasa kuhusiana na wengine—na ni kwa jinsi gani hii pekee inawezekana? 2 Wakorintho 1:3–5.
-
-

“Mazingira na hali mbalimbali hazina uhusiano wowote na uzoefu wa kiroho. Ni roho yenye furaha ambayo hupendezesha matendo yetu yote. Mtu mwenye amani na Mungu pamoja na wenzake hawezi kufanywa duni. Wivu hautakuwa moyoni mwake; kufikiria mabaya huku tapata nafasi huko; chuki haiwezi kuwepo. Moyo uliopatana na Mungu umeinuliwa juu ya kero na majaribu ya maisha haya.” — *Testimonies for the Church*, vol. 5, p. 488.

“Ilikuwa kwa njia ya mateso Kristo alipata huduma ya kuwafariji watu. Katika mateso yote ya wanadamu yeye anateseka; na “kwa kuwa mwenyewe aliteswa alipojaribiwa, aweza kuwasaidia wao wanaojaribiwa.” Isaya 63:9; Waebrania 2:18. Katika kazi hii kila mtu aliyeingia katika ushirika wa mateso yake anayo fursa ya kushiriki.” — *Thoughts From the Mount of Blessing*, p. 13.

- b. Eleza tumaini la kipekee na fursa tuliyo nayo katika kufuata nyayo za Kristo. 2 Wakorintho 1:6, 7.
-
-

“Ikiwa hujisikii kwamba ni heshima kuwa mshiriki wa mateso ya Kristo; ikiwa huhisi mzigo wa nafsi kwa wale walio tayari kuangamia; kama hauko tayari kujitoa ili upate kuweka akiba mali kwa ajili ya kazi inayopaswa kufanywa, hakutakuwa na nafasi kwako katika ufalme wa Mungu. Tunahitaji kuwa washirika pamoja na Kristo wa mateso Yake na kujikana nafsi katika kila hatua.” — *Testimonies for the Church*, vol. 9, pp. 103, 104.

- c. Elezea ubora unaohitajika zaidi miongoni mwa waumini katika jumbe za malaika watatu. 1 Wakorintho 13:13, 4–8.
-
-

“Sifa zinazohitajika zaidi kuthaminiwa na watu wa Mungu wanaozisihika amri ni saburi na ustahimilivu, amani na upendo. Upendo unapokosekana, hasara isiyoweza kuponyeka hudumishwa” — *Ibid.*, vol. 6, p. 398.

- a. Waumini wa kweli watafanyaje ikiwa Mkristo ataanguka kati-ka dhambi—kinyume na kile ambacho waumini wenye mioyo ya uwongo mara nyingi hufanya? Wagalatia 6:1–3; Warumi 15:1–3.

"Kumbuka kwamba kazi ya kurejesha ni mzigo wetu. Kazi hii haipaswi kufanywa kwa njia ya kiburi, ya kiofisi, na kwa ubosi. Usiseme, kwa namna yako, "Nina uwezo, na nitautumia," na kumimina mashtaka juu ya mkosaji. Fanya marejesho yako "kwa roho ya upole; ukijiangalia nafsi yako usije ukajaribiwa wewe mwenyewe." Kazi iliyowekwa mbele yetu ya kufanya kwa ajili ya ndugu zetu si kuwatupa kando, si kuwakan-damiza mpaka wakate tamaa au kufa moyo kwa kusema: "Umenivunja moyo, na sitajaribu kukusaidia." Yule anayejiinua kwamba amejaa he-kima na nguvu, na kumshusha mtu aliyeonewa na mwenye taabu na anayetamani msaada, adhihirisha kujivika vazi la Mfarisayo, na kisha hujifunika kwa vazi la haki na hadhi yake mwenyewe. Katika roho yake anamshukuru Mungu kwa kuwa yeye si kama wanadamu wengine, na anadhani kwamba mwendo wake unastahili kusifiwa na kwamba ana nguvu nyingi sana hata asiweze kujaribiwa. Lakini "mtu akijiona kuwa ni kitu, naye si kitu, anajidanganya nafsi yake." Aya ya 3." — *Testimonies for the Church*, vol. 6, pp. 398, 399.

"Mtu ambaye, kwa macho yasiyo na huruma, humgeuzia kisogo mko-saji si mfuasi wa Kristo. Wale ambao wako mbele katika kuwashtaki wengine, na wakiwa na hamu ya kuwaleta katika vyombo vya haki, maisha yao yako katika hatia kubwa kuliko jinsi walivyo. Wanapen-da dhambi. Kristo anaichukia dhambi, lakini anampenda mdhambi. Hii ndiyo itakuwa roho ya wote wanaomfuata. Upendo wa Kristo ni wa pole pole, wa haraka kuona toba, tayari kusamehe, kutia moyo, kumweka atangatangaye katika njia nyofu, na kusimika miguu ya mtu humo." — *The Desire of Ages*, p. 462.

MASWALI TAFAKARI BINAFSI**Iju, Mei 2**

1. Eleza mtego ambao waandishi na Mafarisayo walitayarisha kwa ajili ya Yesu.
2. Je, Wayahudi wanafiki walionyesha je kwamba wanaheshi-mu sheria?
3. Je, Wayahudi waliokuwa wakiwashtaki walilazimika kukiri nini kuhusu wao wenyewe?
4. Eleza tumaini lililopewa mwanamke mkosaji aliyetende-wa vibaya.
5. Je, ninawezaje kuwa kama Yesu zaidi ninaposhughulika na nafsi zinazokosea?

Yesu, Nuru ya Ulimwengu

FUNGU LA KUKARIRI: “Basi Yesu akawaambia tena akasema, Mimi ndimi nuru ya ulimwengu, yeye anifuataye hatakwenda gizani kamwe, bali atakuwa na nuru ya uzima” (Yohana 8:12).

Inapendekezwa kusoma: *Testimonies for the Church*, vol. 1, pp. 405–409.

“Kama vile mwezi na nyota za mfumo wetu wa jua huangaza kwa nuru inayoakisiwa na jua, ndivyo, kadiri mafundisho yao yalivyo kweli, wanafikra wakuu wa ulimwengu huakisi miale ya Jua la Uadilifu. Kila nuru ya mawazo, kila nuru ya akili, inatoka kwenye Nuru ya ulimwengu.” — *Education*, p. 14.

1. KUKUMBUKA UUMBAJI

Jpil, Mei 4

a. Mungu aliumba nini siku ya kwanza ya uumbaji? Mwanzo 1:3–5.

“Katika neno la uumbaji hapo mwanzo, nuru ilinga’aa kutoka gizani”—*The Desire of Ages*, p. 464.

b. Ni nani aliyekuwepo wakati wa kuumbwa kwa ulimwengu—si kama mtazamaji tu, bali kama mshiriki hai? Mwanzo 1:1, 2; Yohana 1:1, 2; Wakolosai 1:16.

“Hapo mwanzo, Mungu alifunuliwa katika kazi zote za uumbaji. Ni Kristo aliyetandaza mbingu hizi, na aliweka msingi wa dunia. Ni Yeye aliyejaza dunia kwa uzuri, na anga kwa wimbo. Na akaandika ujumbe wa pendo la Baba kwenye vitu vyote vilivyo duniani, hewani, na angani. Aliandika ujumbe wa upendo wa Baba.” — *Ibid.*, p. 20.

“Mkono unaodumisha walimwengu katika anga, mkono ambao unashikilia katika mpangilio bila kuchoka vitu vyote katika ulimwengu wote wa Mungu, ni mkono uliopigiliwa msalabani kwa ajili yetu.” — *Education*, p. 132.

- a. Wana wa Israeli waliongozwaje jangwani? Kutoka 13:21, 22. Eleza uwepo uliofunikwa katika nguzo ya wingu na nguzo ya moto? Kutoka 13:21 (sehemu ya kwanza); 1 Wakorintho 10:1–4
-
-
-

“Katika udhihirisho wa Mungu kwa watu wake, daima nuru ilikuwa imetumika kama ishara ya uwepo wake. Kutokana na neno la uumbaji hapo mwanzo, nuru ilikuwa imeangaza katika giza. Wakati wa kuyaongoza majeshi ya Israeli,” — *The Desire of Ages*, p. 464.

- b. Ni nini kimeandikwa kuhusu kuwapo kwa Kristo pamoja na Israeli jangwani—na ni ulinzi gani ambao Mungu aliahidi kwa watu Wake? Zaburi 105:39; Isaya 4:5, 6 .
-
-
-

“Katika mojawapo ya vifungu vyema zaidi na vya kufariji vya unabii wa Isaya, marejezo yanafanywa kwenye nguzo ya wingu na ya moto ili kuwakilisha utunzaji wa Mungu kwa watu Wake katika pambano kuu la mwisho na nguvu za uovu.” — *Patriarchs and Prophets*, p. 283.

- c. Kristo alijidhihirishaje pale Sinai—na Musa na watu waliitikia-je? Kutoka 19:16–18; 20:18, 19; Waebrania 12:21.
-
-
-

“ ‘Utukufu wa BWANA ulikuwa kama moto uteketezao juu ya kilele cha mlima’ machoni pa umati uliokusanyika..... Ishara za Yehova zilikuwa za kutisha sana ambapo majeshi ya Israeli yalitetemeka kwa hofu, wakaanguka kifudifudi mbele za Bwana.” — *Ibid.*, p. 304.

“Kufichuliwa kwa uwepo [wa Kristo] kulikuwa kutukufu sana hivi kwamba hakungeweza kubebwa na mwanadamu anayeweza kufa. Musa, ambaye alipendelewa sana na Mungu, akasema, ‘Naogopa sana na kutetemeka’. Lakini Mungu akamtia nguvu ili kustahimili utukufu huo mkuu, na kuleta kutoka mlimani mwangaza wake juu ya uso wake, ili watu wasiweze kuutazama kwa makini.” — *Sons and Daughters of God*, p. 225.

- a. Kristo alionyeshaje uwepo wake katika hema? Kutoka 40:34, 35.
-

"Kwa shauku kubwa umati wa Israeli ulikusanyika kutazama jengo takatifu. Walipokuwa wakitafakari tukio hilo kwa heshima, ile nguzo ya wingu ilielea juu ya patakatifu na, ikishuka, ikaifunika. 'Na utukufu wa Bwana ukaijaza maskani.' Kulikuwa na ufunuo wa ukuu wa kimungu, na kwa muda hata Musa hakuweza kuingia. Kwa hisia kali watu waliona ishara kwamba kazi ya mikono yao ilikubaliwa. Hakukuwa na maandamano makubwa ya kushangilia. Hofu kuu ilitua juu ya wote. Lakini furaha ya mioyo yao ilijaa machozi ya furaha, na wakanung'unika kwa chini, maneno ya dhati ya shukrani ambayo Mungu alikuwa amejishusha kukaa nao." — *Patriarchs and Prophets*, pp. 349, 350.

"Juu ya kiti cha rehema kulikuwa na Shekina, udhihirisho wa Uwepo wa Kiungu; na kutoka katikati ya makerubi, Mungu alidhihirisha mapenzi yake. Jumbe za kimungu wakati fulani ziliwasilishwa kwa kuhani mkuu kwa sauti kutoka kwenye wingu. Wakati fulani nuru ilimwangukia malaika aliyekuwa upande wa kulia, kuashiria kibali au kukubalika, au kivuli au wingu lilitua juu ya yule aliyekuwa upande wa kushoto ili kudhihirisha kutokubalika au kuka-taliwa." — *Ibid.*

- b. Ni nini kilifanyika baadaye, hekalu lilipowekwa wakifu? 2 Mambo ya Nyakati 7:1.
-

"Patakatifu pazuri sana palikuwa pametengenezwa, sawasawa na kielelezo alichoonyesha Musa mlimani, na baadaye akatolewa na Bwana kwa Daudi. Patakatifu pa duniani palifanyika kama patakatifu pa mbinguni. Mbali na makerubi waliokuwa juu ya sanduku, Sulemani alitengeneza malaika wengine wawili wa ukubwa zaidi, wakisimama kwenye kila mwisho wa sanduku, wakiwakilisha malaika wa mbinguni wanaolinda sheria ya Mungu daima. Haiwezekani kuelezea uzuri na fahari ya maskani hii. Huko, kama vile katika hema, sanduku takatifu lilichukuliwa kwa utaratibu wa heshima, na kuwekwa mahali pake chini ya mbawa za makerubi wawili wa kifahari waliosimama juu ya sakafu.

"Kwaya takatifu iliunganisha sauti zao, pamoja na aina zote za ala za muziki, katika sifa kwa Mungu. Na wakati sauti zile zenye upatano, pamoja na vinanda, zilipovuma katika hekalu, na kupeperushwa angani katika Yerusalemu, lile wingu la utukufu wa Mungu likaimiliki nyumba, kama lilivyoijaza hema hapo awali. Ikawa makuhani walipotoka katika patakatifu, lile wingu likaijaza nyumba ya BWANA, hata makuhani wasiweze kusimama ili kufanya huduma kwa sababu ya lile wingu; kwa maana utukufu wa Bwana ulikuwa umeijaza. nyumba ya Bwana'." — *Spiritual Gifts*, vol. 4a, pp. 113, 114.

a. Ni ujumbe gani wa Kristo katika Yohana 8:12 unatuletea tumaini kuu?

"Si wanathiolojia wasomi waliokuwa na ufahamu wa ukweli huu, na kujis-hughulisha katika kuutangaza. Ikiwa hao wangukuwa walinzi waaminifu, wakiyachunguza Maandiko kwa bidii na maombi, wangukuwa wameyajua majira ya usiku; unabii ungekuwa umewafunulia matukio yale yaliyokuwa karibu kutokea. Lakini hawakuwa katika nafasi hii, na ujumbe ule ukatolewa na watu duni sana. Wale wanaogeuka na kuipa kisogo nuru ambayo Mungu ameitoa, au ambao wanapuuzia kuitafuta inapokuwa mahali pale wawezapo kuipata, huachwa gizani" — *The Great Controversy*, p. 312.

"Bwana amefanya kila riziki ili tuwe na uzoefu tajiri, tele, na furaha. Yohana anaandika kuhusu Kristo, akisema, 'Ndani yake ndimo ulimokuwa uzima; na huo uzima ulikuwa nuru ya watu.' Uzima unahusishwa na nuru, na ikiwa hatuna nuru kutoka kwa Jua la Uadilifu, hatuwezi kuwa na uhai ndani Yake. Lakini nuru hii imetolewa kwa kila nafsi, na ni pale tu tunapojiondoa kwenye nuru ndipo giza hutujia. Yesu alisema, 'Yeye anifuataye hatakwenda gizani kamwe, bali atakuwa na nuru ya uzima.' Katika ulimwengu unaotuzunguka hapawezi kuwa na uzima bila nuru. Kama jua lingepo kung'aa kwake, mimea yote, wanyama wote, wangukuwa na mwisho. Hii inadhihirisha ukweli kwamba hatuwezi kuwa na maisha ya kiroho isipokuwa tujiweke wenyewe chini ya miale ya Jua la Haki. Ikiwa tunaweka mmea wa maua katika chumba giza, hivi karibuni utakauka na kufa; na hivyo tunaweza kuwa na maisha fulani ya kiroho, na bado tuyapoteze kwa kukaa katika mazingira ya mashaka na huzuni." — *Sons and Daughters of God*, p. 281.

b. Ni uhakika gani huja tunapomgeukia Yesu? 2Wakorintho 3:18

"Kama vile ua linavyoligeukia jua ili miale yake ing'ayo isaidie katika ukamilifu wa uzuri na ulinganifu wake, vivyo hivyo wafuasi wa Kristo wanapaswa kuligeukia Jua la Haki, ili nuru ya mbinguni iwaangazie, wakizikamilisha tabia zao, na kuwapa kina kirefu cha kudumu. uzoefu katika mambo ya Mungu. Ni zaidi ya uwezo wetu kupata baraka zinazoletwa ndani ya uwezo wetu kupitia Kristo, ikiwa tu tutaunganisha juhudi zetu za kibinadamu na neema ya kimungu." — *Ibid.*, p. 26.

"Yeye aliye na kusudi moja nyofu la kutafuta kufanya mapenzi ya Mungu, akiizingatia kwa dhati nuru aliyokwishapewa tayari, atapokea nuru kubwa zaidi; nyota yenye mng'ao wa mbinguni itatumwa kwa mtu huyo ili kumwongoza katika kweli yote." — *The Great Controversy*, p. 312.

- a. Je, tunawezaje kuinuliwa na marejeo ya Paulo yenye kutia moyo kwa Nuru ya ulimwengu? 2Wakorintho 4:6.
-
-

"Acha mawazo tukufu ya Mungu yamiliki akili yako. Acha maisha yako yafungwe na viungo vilivyofichika vya maisha ya Yesu. Yeye aliyeamuru nuru itang'aa kutoka gizani yuko tayari kuangaza moyoni mwako, kutoa mwanga wa ujuzi wa utukufu wa Mungu katika uso wa Yesu Kristo. Roho Mtakatifu atachukua mambo ya Mungu na kukuonyesha, akiyafikisha kama nguvu iliyo hai ndani ya moyo mtiifu. Kristo atakuongoza hadi kwenye kizingiti cha Asiye na mwisho. Unaweza kuu-tazama utukufu zaidi ya pazia, na kuwafunulia watu utoshelevu wake Yeye anayeishi daima ili kutuombea." — *Christ's Object Lessons*, p. 149.

"Ufunuo wa utukufu wake mwenyewe katika namna ya ubinadamu utaleta mbingu karibu sana na wanadamu hivi kwamba uzuri unao-pamba hekalu la ndani utaonekana katika kila nafsi ambayo Mwokozi anakaa ndani yake. Wanadamu watatekwa na utukufu wa Kristo anayedumu. Na katika mikondo ya sifa na shukrani kutoka kwa roho nyingi zilizovutwa hivyo kwa Mungu, utukufu utarudi kwa Mpaji mkuu.

"Ondoka, uangaze; kwa kuwa nuru yako imekuja, na utukufu wa Bwana umekuzukia.' Isaya 60:1. Kwa wale wanaotoka kwenda kukutana na Bwana-arusi ujumbe huu unatolewa. Kristo anakuja na nguvu na utukufu mkuu. Anakuja na utukufu wake mwenyewe na utukufu wa Baba. Anakuja pamoja na malaika wote watakatifu pamoja naye. Wakati ulimwengu wote umetupwa gizani, kutakuwa na nuru katika kila makao ya watakatifu. Watapata nuru ya kwanza ya kutokea Kwake mara ya pili. Nuru isiyochafuliwa itang'aa kutoka katika fahari yake, na Kristo Mkombozi atavutiwa na wote waliomtumikia. Wakati waovu wakikimbia kutoka kwa kuwapo Kwake, wafuasi wa Kristo watashangilia." — *Ibid.*, pp. 420, 421.

MASWALI TAFAKARI BINAFSI**Ijum, Mei 9**

1. Biblia inafundisha nini kuhusu Uungu katika kazi ya uumbaji?
2. Eleza jinsi Yesu alivyojidhihirisha kwa watu wake jangwani.
3. Je, nuru ya Kristo iling'aa katika hema la kukutania na hekaluni?
4. Eleza jinsi Yesu alivyojidhihirisha katika kuwekwa wakfu kwa hekalu.
5. Kristo anajidhihirishaje kwetu na kupitia kwetu?

Nuru Imekataliwa—Au Imeakisiwa?

FUNGU LA KUKARIRI: “Bwana ni nuru yangu na wokovu wangu; nimwogope nani?” (Zaburi 27:1).

Inapendekezwa kuoma: *Testimonies for the Church*, vol. 7, pp. 18–28.

“Kristo ndiye ‘Nuru, amtiaye nuru kila mtu akija katika ulimwenguni.’ Yoh 1:9. Kama vile kupitia Kristo kila mwanadamu ana uzima, vivyo hivyo kupitia Yeye kila nafsi inapokea baadhi ya miale ya nuru ya kimungu.” — *Education*, p. 29.

1. NURU YATABILIWA

Jpil, Mei 11

a. Roho Mtakatifu alimrejeleaje Yesu kupitia Isaya? Isaya 49:6.

b. Simeoni alimtambulishaje Yesu Alipoletwa kwenye hekalu kwa ajili ya kuwekwa wakifu—na hili linapaswa kutufanya tufikirie nini? Luka 2:32.

“Yule kikongwe Simeoni, katika hekalu hili hili ambamo sasa Yesu alikuwa anafundisha, alikuwa amepata kumtaja Yeye kama „nuru ya kuwa mwan-gaza wa Mataifa, na kuwa utukufu wa watu wako Israeli.” Luka 2:32. Katika maneno haya alikuwa anamhusianisha na unabii uliokuwa unafahamika kwa Israeli wote. Kupitia nabii Isaya, Roho Mtakatifu alikuwa ametangaza kwamba, „Ni neno dogo sana wewe kuwa mtumishi wangu ili kuziinua kabila za Yakobo, na kuwarejeza watu wa Israeli waliohifadhiwa; zaidi ya hayo nitakutoa uwe nuru ya mataifa, upate kuwa wokovu wangu hata miisho ya dunia.” Isaya 49:6. Unabii huu ulieleweka kwa ujumla kwamba ulimhusu Masihi, na Yesu aliposema, „Mimi ndimi nuru ya ulimwengu,” watu hawakushindwa kugundua dai lake la kuwa Yeye Aliyeahidiwa.” — *The Desire of Ages*, p. 465.

“Lo, kuna fundisho kubwa kiasi gani katika kisa cha ajabu kilichotokea Bethlehemu! Ni jinsi gani kinakemea kutokuamini kwetu, kiburi chetu, na kutosheka kwetu. Ni jinsi gani kinatuonya sisi kuwa macho, la siyvo kwa kosa letu la kutokuwa tofauti tutashindwa pia kuziona dalili za nyakati, na hivyo kutojua siku ya kujiliwa kwetu.” — *The Great Controversy*, p. 315.

- a. Viongozi wa Kiyahudi waliitikiaje utume wa Kristo? Yohana 1:11; 8:13.
-
-

"Maisha yote na mafundisho ya Kristo yalikuwa ni masomo endelevu ya unyenyekevu, ukarimu, wema, na kujikana nafsi. Hili lilikuwa ni karpio la kuendelea kwa roho ya kujiona kuwa mwadilifu, yenye kula-zimisha iliyoonyeshwa na Wayahudi. Shetani aliwaongoza hadi wali-onekana kuwa na kichaa kwa kutaja tu matendo ya ajabu ya Kristo, ambayo yalikuwa yakivuta usikivu wa watu kutoka kwao. Kwa muda mrefu walijifanya kuamini kwamba alikuwa mlaghai, na njia yoyote ambayo wangeweza kubuni ili kumuondoa Yeye ingekuwa ni wema ndani yao." — *Spiritual Gifts*, vol. 4a, p. 117.

- b. Ni maelezo gani ya wazi ambayo Yesu alitoa kwa Mafarisayo wasioamini—lakini waliitikiaje? Yohana 8:14–18.
-
-

"[Mafarisayo] hawakujua tabia na utume [wa Kristo] wa kiungu kwa sababu hawakuwa wamechunguza unabii kuhusu Masihi, kama ilivyokuwa fursa na wajibu wao kufanya. Hawakuwa na uhusiano na Mungu na Mbingu, na kwa hiyo hawakuifahamu kazi ya Mwokozi wa ulimwengu, na, ingawa walikuwa wamepokea ushahidi wa kusadikisha zaidi kwamba Yesu alikuwa Mwokozi huyo, hata hivyo walikataa kufungua akili zao kuelewa. Hapo awali walikuwa wameweka mioyo yao dhidi Yake, na walikataa kuamini uthibitisho wenye nguvu zaidi wa Uungu Wake, na, kwa sababu hiyo, mioyo yao ilikuwa migumu zaidi mpaka wakaazimia kutomwamini wala kumkubali." — *The Spirit of Prophecy*, vol. 2, pp. 354, 355.

- c. Ni tofauti gani kubwa ambayo Yesu alisema ilikuwepo kati yake na Mafarisayo wasioamini? Yohana 8:19–23.
-
-

- d. Ni nini kingekuwa matokeo mabaya ya watawala wa Kiyahudi kumkataa Kristo? Yohana 8:24; Mathayo 23:38.
-
-

- a. Baada ya kuonywa kwamba wangeweza kufa katika dhambi zao, Mafarisayo walidai nini kwa Yesu—na kwa nini? Yohana 8:25 (sehemu ya kwanza).
-

“Wakionekana kupuuza maneno yake, waliuliza, “U nani wewe?” Wali-kuwa wanataka kumlazimisha ajitangaze kuwa ni Kristo. Mwonekano wake na kazi zake vilikuwa tofauti kabisa na matarajio ya watu, kiasi kwamba, kulingana na vile adui zake walivyoamini, tamko lake la moja kwa moja la kujitangaza kama Masihi lingesababisha akataliwe kwa kuonekana kuwa laghai.” — *The Desire of Ages*, p. 465.

- b. Mwokozi aliwajibu—akifichua uhusiano Wake wa ajabu na Baba? Yohana 8:25 (sehemu ya mwisho), 26–29.
-

“Kristo kamwe hakuchepuka kutoka katika utiifu kwa kanuni za sheria ya Mungu. Hakufanya jambo lolote kinyume na mapenzi ya Baba Yake. Mbele ya malaika, wanadamu, na pepo aliweza kusema maneno ambayo kutoka katika midomo mingine yoyote yangukuwa makufuru: „Nafanya sikuzote yale yampendezayo.” Yohana 8:29. Siku baada ya siku kwa miaka mitatu adui Zake walimfuata, wakijaribu kupata doa fulani katika tabia Yake. Shetani, pamoja na washirika wake wote wa uovu, walitahidi kumshinda; lakini hawakupata chochote Kwake ambacho kwacho wangeweza kujinufaisha. Hata mashetani walilazimika kukiri: “Wewe Ndiwe Mtakatifu wa Mungu.” — *Testimonies for the Church*, vol. 8, p. 208.

- c. Eleza matembezi ya kila siku ya Kristo na Baba Yake—na jinsi tunapaswa kuakisi uzoefu huo. Yohana 15:10; Waefeso 2:4–6.
-

“Kama Yesu alivyokuwa katika maumbile ya kibinadamu, ndivyo Mungu anavyomaanisha wafuasi Wake wawe. Katika nguvu zake tunapaswa kuishi maisha ya usafi na heshima ambayo Mwokozi aliyaishi.” — *Ibid.*, p. 289.

“Maisha ya Mwokozi wetu alipokuwa hapa duniani, ingawa aliishi kati ya mashindano mengi, yalikuwa ni maisha ya amani. Adui zake wenye hasira walipokuwa wakimfuatia ili wamkamate, aliwaambia, “Aliyeni-peleka yu pamoja nami; hakuniacha peke yangu; kwa sababu nafanya siku zote yale yampendezayo.” Yohana 8:29. Dhoruba yo yote ya kibinadamu au ya Shetani haikuweza kuivuruga amani aliyokuwa nayo moyoni mwake kutokana na mawasiliano yake kamili na Mungu.” — *Thoughts From the Mount of Blessing*, pp. 15, 16.

- a. Kristo alipozungumza kweli zenye kuchoma kwa Mafarisayo, maneno Yake yaliathiri vipi wasikilizaji waaminifu—na kwa nini hii inaweza kututia moyo leo? Yohana 8:30.

“Kristo alielewa jinsi ya kutenda kwa utulivu, akili, na kubatilisha mipango yao ya kumleta katika hukumu. Maneno ya Bwana yalikuwa kama mishale mikali iliyoenda kwenye alama, na kuumiza mioyo ya washitaki wake. Kila wakati Kristo alipozungumza na watu, kama hadhira yake ilikuwa kubwa au ndogo, maneno Yake yalichukua athari ya kuokoa roho za baadhi ya wasikilizaji Wake. Hakuna ujumbe uliowahi kuanguka kutoka kwa midomo ya Kristo ungepotea. Kila neno alilosema liliweka wajibu mpya juu ya wale waliosikia. Wahudumu wanaotoa ujumbe wa mwisho wa rehema kwa walimwengu, wanaowasilisha ukweli kwa unyofu, wanaomtegemea Mungu kwa ajili ya nguvu, hawahitaji kamwe kuogopa kwamba jitihada zao ni bure. Hakuna awezaye kusema kwamba mishale wa ukweli haujaharakisha kufikia alama, na kuzichoma roho za wale wanaosikiliza. Ingawa hakuna jicho la mwanadamu lililoweza kuona kuruka kwa mishale wa ukweli, ingawa hakuna sikio la mwanadamu lililosikia kilio cha roho iliyogeruhiwa, lakini ukweli umekata kimya kimya njia yake hadi moyoni. Mungu amesema na nafsi, na katika siku ya hesabu ya mwisho mhudumu wa Mungu atasimama na nyara za neema ya ukombozi ili kumpa Kristo heshima, ambaye heshima inastahili. Mungu, aonaye sirini, atawapa thawabu wale walioitangaza kweli katika jina lake.” — *The Signs of the Times*, February 6, 1896.

- b. Kando na wahudumu, ni nani mwingine anayebarikiwa kwa kuakisi nuru kutoka mbinguni? Zaburi 27:1; 147:15; Isaya 55:10, 11 .

“Watu ambao hawajaitwa kwenye huduma ya kichungaji wanapaswa kuhimizwa kufanya kazi ya Bwana kulingana na uwezo wao. Mamia ya wanaume na wanawake walio wavivu sasa, wangeweza kufanya huduma inayokubalika. Kwa kubeba ukweli ndani ya nyumba za marafiki na majirani zao, wangeweza kufanya kazi kubwa kwa Bwana. Mungu hana upendeleo. Atatumia Wakristo wanyenyekevu, waliojitoa, hata kama hawajapata elimu kamili kama wengine. Hebu watu kama hawa washiriki katika kumtumikia Yeye kwa kufanya kazi ya nyumba kwa nyumba. Wakikaa kukota moto kwa mazungumzo, wanaweza—wakikwa wanyenyekevu, wenye busara, na wacha Mungu—kufanya zaidi kukidhi mahitaji halisi ya familia kuliko mchungaji aliyewekewa mko-no.” — *Testimonies for the Church*, vol. 7, p. 21.

- a. Yesu aliwaambia nini Wayahudi waliomkubali? Yohana 8:31, 32. Tofauti na hilo, watu wasioamini walikosaje kuona hali pekee ambayo itatuweka huru kutokana na dhambi? Yohana 8:33–36.

“[Mafarisayo] walikuwa katika aina mbaya zaidi ya utumwa iliyotawaliwa na roho ya uovu.

“Kila mtu anayekataa kujitoa kwa Mungu yuko chini ya utawala wa mamlaka nyingine. Wala si yeye kama yeye. Anaweza kuzungumza kwamba yu huru, kumbe yuko katika utumwa wa kutisha. Haruhusiwi kuona uzuri wa ukweli, maana akili yake iko chini ya udhibiti wa Shetani. Wakati akijisifu kwamba anaongozwa na akili yake, anatii mapenzi ya mfalme wa giza. Kristo alikuja kuvunja vifungo vya utumwa wa dhambi kwa mtu.....

“Katika kazi ya ukombozi hakuna kulazimisha kwa nguvu. Hakuna nguvu ya nje inayotumika. Chini ya ushawishi wa Roho wa Mungu, mwanadamu huachwa huru kuchagua nani wa kumtumikia. Katika badiliko linalotokea wakati mtu anapojisalimisha kwa Kristo, kuna kiwango cha juu kabisa cha uhuru. Kuilazimisha dhambi ni tendo la moyo wenyewe. Kweli, hatuna nguvu ya kutuwezesha kutoka katika utawala wa Shetani; lakini tunapoamua kuwa huru mbali na dhambi, na katika uhitaji mkubwa tukalilia nguvu iliyo nje na juu yetu wenyewe, nguvu za moyo zinajazwa na nguvu ya mbinguni ya Roho Mtakatifu, na zinatii maongozi ya matakwa ya kutimiza mapenzi ya Mungu.

“Hali pekee ambayo uhuru wa mwanadamu unawezekana ni ile ya kuwa kitu kimoja na Kristo. “Kweli itawaweka huru,” na Kristo ndiye kweli. Dhambi inaweza kushinda tu kwa njia ya kudhoofisha akili, na kuharibu uhuru wa moyo. Kutiishwa kwa Mungu ni njia ya mtu kurejeshwa, - kwenda katika utukufu na heshima ya kweli ya mtu. Sheria ya kimbingu, ambayo tumeti- ishwa kwayo, ni „sheria ya uhuru.” Yakobo 2:12.” — *The Desire of Ages*, p. 466.

1. Elezea umuhimu wa maneno ya Simeoni kuhusu Yesu.
2. Elezea jinsi waandishi na Mafarisayo walivyotendewa kwa Kristo.
3. Ni nini kingetokea kwa taifa lao kwa kumkataa Yesu?
4. Nafsi za moyo mweupe huitikiaje Kristo—wakati huo na sasa?
5. Eleza dhana ya “uhuru” katika mwanga wa ukweli wa Injili.

Yesu na Ibrahimu

FUNGU LA KUKARIRI: “Ibrahimu Baba yenu alishangilia kwa vile atakavyo iona siku yangu; naye akaiona siku yangu, naye akaiona akafurahi” (Yohana 8:56).

Inapendekezwa kusoma: *Christ's Object Lessons*, pp. 269–271, 330–332; *Early Writings*, pp. 149–153.

“Ibrahimu alitamani kwa furaha kumwona Mwokozi aliyeahidiwa. Ali-toa ombi la dhati mno kwamba kabla ya kifo chake amwone Masihi. Naye alimwona Kristo.” — *The Desire of Ages*, p. 468.

1. WANA WA IBRAHIMU

Jpil, Mei 18

- a. Ni dai gani ambalo Mafarisayo waliendelea kurudia? Yohana 8:33, 39 (sehemu ya kwanza). Lakini ni nini kinachothibitisha ushirika kama huo? Yohana 8:39 (sehemu ya mwisho), 56; Warumi 9:6–8

“Mafarisayo wale walikuwa wamejitangaza kuwa ni wana wa Ibrahimu. Yesu aliwaambia kwamba dai hili lingefanywa tu kwa kufanya matendo ya Ibrahimu. Watoto wa kweli wa Ibrahimu wangeishi maisha ya utiifu kwa Mungu, kama alivyokuwa. Wasingejaribu kumwua Yeye aliyekuwa anasema ukweli aliopewa na Mungu. Katika kule kufanya njama dhidi ya Kristo, marabi wale hawakuwa wanafanya kazi za Ibrahimu. Kule kuwa katika uzao wa Ibrahimu wa kawaida hakukuwa na thamani. Pasipokuwa na mwunganiko wa kiroho kati yao na Ibrahimu, ambao ungedhihirika kwa kuwa na roho kama yake, na kufanya kazi kama zake, hawakuwa watoto wake

“Kanuni hiyo imebeba uzito huo huo katika suala ambalo limeutikisa ulimwengu wa Kikristo kwa muda mrefu, - suala la mafundisho kuhusu mamlaka ya kitume ya maaskofu. Kuwa na chimbuko katika Ibrahimu kulihakikishwa kwa kuangalia mfanano na tabia, si kwa jina wala ukoo. Vivyo hivyo mfumo wa mamlaka za kitume za uaskofu haziko katika kuhamisha mamlaka ya kitume, bali mahusiano ya kiroho. Maisha yanayosukumwa na roho ya mitume, kuamini na kufundisha ukweli walioufundisha, ndio ushahidi wa kurithi mamlaka ya mitume. Hiki ndicho kinachowafanya watu kurithi nafasi za walimu wa injili wa kwanza.” — *The Desire of Ages*, pp. 466, 467.

- a. Ingawa Wayahudi walikuwa wazao wa asili wa Ibrahimu, wali-kuwa wana wa nani kwa kweli walipomkataa Kristo? Yohana 8:41–44
-

“Yesu alikataa kuwaona Wayahudi kama wana wa Ibrahimu. Alisema, “Ninyi mnazitenda kazi za baba yenu.” Kwa dhuhaka walimjibu hivi, “Sisi hatukuzaliwa kwa zinaa; sisi tunaye Baba mmoja, yaani, Mungu.” Ma-neno haya, yakiwa katika upotofu waliohusisha na mazingira ya kuza-liwa kwa Yesu, yalikusudiwa kumhafifisha machoni pa wale waliokuwa wanaanza kumwamini. Yesu hakusikiliza mabezo hayo, bali alisema, „Kama Mungu angekuwa baba yenu, mngenipenda mimi; kwa maana nalitoka kwa Mungu.”

“Matendo yao yaliuthibitisha uhusiano wao na yeye aliyekuwa mwon-go na muuaji. Yesu akasema, „Ninyi ni wa baba yenu, Ibilisi, na tamaa za baba yenu ndizo mpendazo kuzitenda. Yeye alikuwa mwuaji tangu mwanzo; wala hakusimama katika kweli, kwa kuwa hamna hiyo kweli ndani yake. . . . Kwa sababu nasema iliyo kweli, hamnisadiki.” Yoha-na 8:44, 45. Ile hali ya kwamba Yesu alisema ukweli, na kwa uhakika, ndiyo sababu hakupokelewa na viongozi wa Wayahudi. Ukweli ndio uliowachukiza watu hao wanaojihesabia haki. Ukweli ule uliweka wazi makosa yao; ulihukumu mafundisho na matendo yao, kwa hiyo ha-ukupokelewa. Wangetamani kufumba macho wasione ukweli kuliko kujishusha na kukiri kwamba walikuwa katika makosa. Hawakuupen-da ukweli. Hawakuutamani, ingawa ulikuwa ukweli.” — *The Desire of Ages*, p. 467.

- b. Ni nini kinatufanya kuwa wana wa Ibrahimu-na viongozi wa Kiyahudi walionyeshaje kwamba hawakuwa watoto wa kweli wa Ibrahimu? Wagalatia 3:6–9; Yohana 8:40.
-

“ ‘Kwa kuwa hamkupokea tena roho wa utumwa iletayo hofu; bali mli-pokea roho ya kufanywa wana, ambayo kwa hiyo twalia, Aba, yaani, Baba.’ Roho ya utumwa inachochewa na kutafuta kuishi kupatana na dini ya kisheria, kwa kujitahidi kutimiza madai ya sheria kwa nguvu zetu wenyewe. Kuna tumaini kwetu tu tunapoingia chini ya agano la Ibrahimu, ambalo ni agano la neema kwa imani katika Kristo Yesu. Injili aliyohubiriwa Ibrahimu, ambayo kwa hiyo alikuwa na tumaini, ilikuwa ni Injili ile ile tunayohubiriwa leo, ambayo kwayo tuna matumaini. Ibra-himu alimtazama Yesu, ambaye pia ndiye Mwanzilishi na Mkamilishaji wa imani yetu.” — *The Youth’s Instructor*, September 22, 1892.

- a. Je, ni swali gani ambalo maadui wa Yesu hawakuweza kulijibu kuhusiana na tabia yake isiyochafuliwa? Yohana 8:46 (sehemu ya kwanza).
-

“Katika maisha Yake duniani, Kristo alikuza tabia kamilifu, Alitoa utii mkamilifu kwa amri za Baba Yake. Katika kuja ulimwenguni katika umbo la mwanadamu, katika kuwa chini ya sheria, katika kuwafunulia wanadamu ya kwamba Yeye alichukua magonjwa yao, huzuni yao, hatia yao, Yeye hakufanyika mwenye dhambi. Kabla ya Mafarisayo aliweza kusema, ‘Ni nani kati yenu anishuhudiaye kuwa nina dhambi?’ Hakuna doa moja la dhambi lililoonekana juu Yake. Alisimama mbele ya ulimwengu Mwanakondoo wa Mungu asiye na doa.” — *Sons and Daughters of God*, p. 25.

“Yesu aliishika sheria machoni pa mbingu, machoni pa malimwengu ambayo hayakuanguka, na machoni pa wanadamu wenye dhambi. Mbele za malaika, wanadamu na mapepo, alikuwa amesema, bila kubishiwa, maneno yafuatayo ambayo ikiwa yangesemwa na midomo mingine yangukuwa ni ya kukufuru: “Nafanya sikuzote yale yampendeza.” — *The Desire of Ages*, pp. 467, 468.

- b. Kando na yale yaliyosemwa na Yesu kama Mwana wa Adamu, Maandiko yanatangaza nini kuhusu tabia ya Kristo? Waebrania 4:15; 1 Petro 1:18, 19 .
-

“Imani ya wanadamu katika Kristo kama Masihi haikupaswa kutegemea uthibitisho wa kuona, na wanamwamini kwa sababu ya vivutio vyake binafsi, bali kwa sababu ya ubora wa tabia ipatikanayo ndani Yake, ambayo haijawahi kupatikana, wala kuwa, katika mwingine.” — *The SDA Bible Commentary [E. G. White Comments]*, vol. 7, p. 904.

- c. Je, tunapaswa kuguswa vipi na maisha ya Yesu? Wafilipi 2:6–8.
-

“Je! Aliye mfano wetu hakuiendea njia ngumu, ya kujikana, kujitolea, na ya unyenyekevu kwa ajili yetu ili kutuokoa? Alikumbana na taabu, uzoefu wa kukatishwa tamaa, unyenyekevu, aibu na mateso katika kazi Yake ya kutuokoa. Na Je! Tukatae kufuata pale ambapo Mfalme wa utukufu ameongoza njia? Je! Tulalamike juu ya shida na majaribu katika kazi ya kuyashinda kwa ajili yetu wenyewe, wakati tunakumbuka mateso ya Mkombozi wetu?” — *Testimonies for the Church*, vol. 3, p. 371.

- a. Lengo la wafuasi wote wa kweli wa Kristo ni lipi? 1 Petro 1:13–16.

“Kazi yetu ni kujitahidi kufikia katika nyanja yetu ya utendaji ukamilifu ambao Kristo katika maisha yake duniani alifikia katika kila hatua ya tabia.” — *That I May Know Him*, p. 130.

- b. Je, tunawezaje kufikia lengo hili? Waebrania 12:1–4; Wagalatia 5:6 (sehemu ya mwisho); Wafilipi 3:12–15; 4:13.

“Tunawezaje kufikia ukamilifu uliotajwa na Bwana na Mwokozi wetu Yesu Kristo—Mwalimu wetu Mkuu? Je, tunaweza kukidhi mahitaji yake na kufikia kiwango cha juu sana? Tunaweza, vinginevyo Kristo asingetuagiza kufanya hivyo. Yeye ndiye haki yetu. Katika ubinadamu wake ametutangulia na kutufanyia ukamilifu wa tabia. Tunapaswa kuwa na imani katika Yeye atendaye kazi kwa upendo na kuitakasa nafsi. Ukamilifu wa tabia unategemea kile ambacho Kristo ni kwetu. Ikiwa tutakuwa na tegemeo la kudumu kwa wema wa Mwokozi wetu, na kutembea katika nyayo Zake, tutakuwa kama Yeye, tukiwa safi na wasio na unajisi.” — *Ibid.*

- c. Je, tunawezaje kweli kuwa wasafi na wasio na mawaa mbele za Mungu? Warumi 5:18–20; Waebrania 10:14.

“Kristo hasamehe yeyote ila wale waliotubu, lakini wale ambao Yeye humsamehe kwanza huwafanya watubu.” — *Selected Messages*, bk. 1, pp. 393, 394.

“Mtenda dhambi lazima daima atazame kuelekea Kalvari; na kwa imani sahili ya mtoto mdogo, lazima apumzike katika wema wa Kristo, akikubali haki yake na kuamini rehema zake....

Upendo huu ni wa ajabu jinsi gani, usio na kifani—ambao ungesababisha Kristo afe kwa ajili yetu tulipokuwa tungali wenye dhambi! Ni hasara iliyoje kwa mtu anayeelewa madai yenye nguvu ya sheria, na ambaye bado anashindwa kuelewa neema ya Kristo ambayo inazidi sana!” — *Ibid.*, p. 384.

a. Je, tunawezaje kufanya wito wetu na kuchaguliwa kuwa haki-
ka? 2 Petro 1:4–11; Ufunuo 19:8.

“Mungu anataka sasa kile Alichohitaji kwa Adamu, utii mkamilifu, uadilifu usio na dosari, usio na upungufu machoni pake. Mungu atusaidie kumtolea yeye yote ambayo sheria yake inahitaji. Hatuwezi kufanya hivi bila imani hiyo inayoleta haki ya Kristo katika vitendo vya kila siku.” — *Selected Messages*, bk. 2, p. 381.

“Maadamu Shetani anatawala, tunapaswa kushinda ubinafsi kukabili dhambi na kuzishinda; mradi maisha yatadumu, hakutakuwa na mahali pa kusimama, hakuna hatua ambayo tunaweza kufikia na kusema, Nimefikia kikamilifu. Utakaso ni matokeo ya utii wa maisha yote.” — *The Acts of the Apostles*, pp. 560, 561.

“Lazima tutambue kwamba kwa njia ya kumwamini Yeye ni fursa yetu kuwa washiriki wa asili ya kimungu, na hivyo kuepuka uharibifu ulio duniani kwa njia ya tamaa. Kisha tunatakaswa kutoka kwa dhambi zote, kasoro zote za tabia. Hatuhitaji kuwa na tabia moja ya dhambi. . . .

“Tunaposhiriki asili ya kimungu, mielekeo ya kurithi na iliyokuzwa ya kufanya vibaya hukatiwa mbali na tabia hiyo, na tunafanywa kuwa nguvu hai kwa ajili ya wema. Kila mara tukijifunza juu ya Mwalimu wa Kiungu, tukishiriki asili yake kila siku, tunashirikiana na Mungu katika kuyashinda majaribu ya Shetani. Mungu anafanya kazi, na mwanadamu anafanya kazi, ili mtu awe mmoja na Kristo kama vile Kristo alivyo mmoja na Mungu. . . .

“Mungu ndiye anayetupa nguvu za kushinda. Wale wanaosikia sauti Yake na kutii amri Zake wanawezeshwa kuunda tabia za haki.” — *The SDA Bible Commentary [E. G. White Comments]*, vol. 7, p. 943.

MASWALI TAFAKARI BINAFSI

Iju, Mei 23

1. Kwa nini Mafarisayo hawakuweza kudai uzima wa milele ku-lingana na ukoo wao wa damu—wala yeyote leo wasingeweza kuamini ukoo au DNA kama ishara ya wokovu?
2. Eleza sifa za watoto wa kweli wa Ibrahimu.
3. Kuhusiana na tabia yake, Yesu aliweza kutangaza nini?
4. Ni lengo gani limewekwa mbele ya kila Mkristo?
5. Je, tunawezaje kupatikana wakamilifu na bila lawama mbele za Mungu?

Yesu na Kipofu

FUNGU LA KUKARIRI: “Yesu akasema, Mimi nimekuja ulimwenguni humu kwa hukumu, ili wao wasioona waone; na w wanaoona wawe vipofu” (Yohana 9:39).

Inapendekeza kusoma: *Testimonies for the Church*, vol. 3, pp. 570–575.

“Historia ya Ayubu ilikuwa imeshaonyesha kwamba magonjwa hu-letwa na Shetani, lakini yanatawaliwa kwa ujumla na Mungu kwa ku-sudi jema.” — *The Desire of Ages*, p. 471.

1. UFAHAMU ULIPOTOSHA

Jpil, Mei 25

a. Ni swali gani wanafunzi walimuuliza Yesu walipomwona mtu aliyezaliwa kipofu? Yohana 9:1, 2.

b. Ni wazo gani potofu kuhusu mateso lililokuwa na Wayahudi na wanafunzi, na Shetani alikuwa akifaidikaje nalo? Yohana 9:34 (sehemu ya kwanza).

“Kwa ujumla ilikuwa inaaminiwa na Wayahudi kwamba dhambi inaadhibiwa katika maisha haya haya. Kila ugonjwa ulichukuliwa kama adhabu ya makosa fulani, ama ya mgonjwa mwenyewe au wazazi wake. Ni kweli kwamba magonjwa yote ni matokeo ya uvunjaji wa sheria ya Mungu, lakini ukweli huu ulikuwa umepotoshwa. Shetani, mwasisi wa dhambi na matokeo yake yote, alikuwa amewaongoza watu kuuona ugonjwa na kifo kama vile vinatoka kwa Mungu, - kama adhabu iliyoletwa kwa sababu ya dhambi. Kwa hiyo yeye aliyeangukiwa na ugonjwa au janga kubwa alikuwa na mzigo wa ziada wa ku-chukuliwa kama mdhambi mkuu.

“Kwa namna hiyo njia ilikuwa imeandaliwa kwa Wayahudi kumkataa Yesu. Yeye ambaye “ameyachukua masikitiko yetu, amejitwika huzu-ni zetu” aliangaliwa na Wayahudi kama vile „amepigwa, amepigwa na Mungu, na kuteswa. Nao wakamficha nyuso zao.” — *The Desire of Ages*, p. 471.

- a. Ni jibu gani la Yesu lilitoa mwanga kuhusu mateso na dhambi? Yohana 9:3–5.

“Imani ya Wayahudi kuhusu uhusiano uliopo kati ya dhambi na ugonjwa ilikuwa inashikiliwa na wanafunzi wa Kristo pia. Wakati Yesu alisahihisha kosa lao, hakufafanua sababu ya magonjwa, bali aliwaambia kile ambacho kingekuwa matokeo yake. Kwa sababu ya ugonjwa kazi za Mungu zingedhihirishwa. “Muda nilipo ulimwenguni, mimi ni nuru ya ulimwengu..” — *The Desire of Ages*, p. 471.

- b. Yesu alifanya nini muda mfupi baadaye, na yule kipofu alishirikiana naye kwa jinsi gani? Yohana 9:6, 7 .

“Kisha akishayapaka macho ya yule kipofu, alimwagiza aende kunawa katika birika la Siloamu, na mtu yule akapata kuona. Kwa hiyo Yesu alijibu swali lile la wanafunzi kwa njia ya vitendo, kama alivyokuwa mara nyingi akijibu maswali yaliyolizwa kwa kusukumwa na udadisi. Wale wanafunzi hawakupewa nafasi ya kujadili swali lile kwamba ni nani aliyetenda dhambi au nani hakutenda dhambi, bali kuelewa uwezo na wema wa Mungu kwa kumpa kuona huyu kipofu. Ilidhihirika kwamba hakuna nguvu ya uponyaji katika tope, au katika dimbwi la maji ambamo aliagizwa kwenda kunawa, bali kwamba nguvu ile ilikuwa ndani ya Kristo.” — *Ibid.*

- c. Eleza majibu mbalimbali ya majirani wa mtu aliyeponywa—na usimulie mazungumzo yaliyofuata kati yake na majirani zake. Yohana 9:8–12.

“Jamaa zake kijana yule aliyeponywa, na watu waliomjua kabla akiwa kipofu, walisema, „Je! Huyu siye yule aliyekuwa akiketi na kuomba?” Walimwangalia kwa mashaka; maana macho yake yalipofunguliwa, sura yake ilibadilika na kuwa angavu, naye alionekana kama mtu mwingine ambaye si yule. Waliulizana swali hilo. Wengine walisema, “Ndiye;” wengine wakasema, “Amefanana naye.” Lakini yeye aliyekuwa amepokea mbaraka huo alijibu lile swali kwa kusema, “Mimi ndiye.” — *Ibid.*, pp. 471, 472.

- a. Viongozi wa Wayahudi walimpeleka kwa nani mtu aliyezaliwa kipofu—na kwa nini? Aliponywa siku gani? Yohana 9:13, 14 .

- b. Elezea itikio la Mafarisayo. Yohana 9:15, 16 .

"Mafarisayo walitamani kumfanya Yesu kuwa mwenye dhambi, kwa hiyo asionekane kuwa ni Masihi. Hawakujua kwamba Yeye ndiye aliyeifanya Sabato na kwamba alijua matakwa yote ya Sabato, yeye aliyekuwa amemponya kipofu. Walionekana kushupalia ushikaji wa Sabato, lakini kumbe walikuwa wanapanga mipango ya mauaji siku hiyo hiyo" — *The Desire of Ages*, p. 472.

- c. Mafarisayo walimwita nani kushuhudia juu ya mtu aliyeponywa? Yohana 9:18, 19 .

"[Mafarisayo]Waliwaita wazazi wake, wakawauliza, „Huyu ndiye mwanu wenu, ambaye mnasema kwamba alizaliwa kipofu?"

"Yule mtu mwenyewe alikuwa pale pale, akisema kwamba alikuwa kipofu, na kwamba amepata kuona; lakini Mafarisayo wale walikuwa radhi kuukana ushuhuda wa moja kwa moja waliokuwa wanashuhudia pale kuliko kukiri kwamba walikuwa katika makosa. Upotofu una nguvu sana, kujihesabia haki kwa Kifarisayo kunapotosha sana." — *Ibid*.

- d. Je, tunaonywa vipi dhidi ya ubaya wa kuwa na maoni yaliyotangulia? Mithali 18:13 .

"Kuna wengi wanaoweka ujuzi/majengo yao wenyewe juu ya yale wanayosikia, na kufanya wazo lionekane tofauti kabisa na lile ambalo msemaji alijitahidi kueleza. Wengine, hali wakisikia kupitia chuki zao wenyewe au mali zao, wanaelewa jambo jinsi wanavyotamani liwe,-kama litakavyofaa zaidi kusudi lao" — *Testimonies for the Church*, vol. 5, p. 695.

- a. Mafarisayo walijaribu kuwatisha wazazi wa mtu aliyezaliwa kipofu—na waliitikiaje? Yohana 9:20, 21. Kwa nini walijibu kwa kukwepa? Yohana 9:22, 23 .

“Wale Mafarisayo walikuwa wamebakiwa na tumaini moja, nalo lili kuwa ni kuwashurutisha kwa kuwaogopesha wazazi wa yule mtu. Kwa wema wa uongo walisema, „Amepataje, basi, kuona sasa?” Wale wazazi waliogopa kujiingiza matatani; maana ilikuwa imeshatangazwa kwamba yeyote atakayemkiri Yesu kuwa Kristo „atatengwa na sinagogi,” yaani, atatengwa na sinagogi kwa siku thelathini. Katika kipindi hicho cha kutengwa hakuna mtoto ambaye angetahiriwa wala hakuna mtu ambaye akifa angeombolezewa katika nyumba ya mtu mwenye adhabu hiyo. Hukumu hiyo ilionekana kama janga; na iliposhindikana kusababisha toba kwa mtu huyo, adhabu nzito zaidi ilifuata. Mwujiza ule mkubwa uliofanywa kwa kijana wao uliwaletae wale wazazi hali ya kusadikishwa, lakini wakajibu, “Tunajua ya kuwa huyu ndiye mwana wetu, tena ya kuwa alizaliwa kipofu; lakini jinsi aonavyo sasa hatujui; wala hatujui ni nani aliyemfumbua macho. Mwulizeni yeye mwenyewe; yeye ni mtu mzima; atajisemea mwenyewe.” Kwa njia hiyo walihamisha majukumu yote kutoka kwao kwenda kwa mwana wao yule; maana hawakuthubutu kumkiri Kristo.” — *The Desire of Ages*, pp. 472, 473.

- b. Tunaposhinikizwa na vitisho, tunapaswa kukumbuka nini? Zaburi 118:6.

“Simameni imara, na kamwe msifanye kitendo kibaya badala ya ku itwa mwoga. Usiruhusu dhihaka, vitisho, matamshi ya dharau, ili kukushawishi kukiuka dhamiri yako hata kidogo.” — *Fundamentals of Christian Education*, p. 93.

“Mkristo wa Kweli tabia inapaswa kuoneshwa kwa uthabiti, azimio lisiloweza kushindwa, ambalo haliwezi kufinyangwa au kutiishwa na dunia au kuzimu. Yule ambaye si kipofu wa mvuto wa heshima za kiu-limwengu, asiyejali vitisho, na asiyeguswa na vishawishi, bila kutazamiwa ataangushwa na hila za Shetani.” — *Testimonies for the Church*, vol. 4, pp. 543, 544.

“Tutapokea upinzani mkali kutoka kwa Waadventista wanaoipinga sheria ya Mungu. Lakini, kama wajenzi wa kuta za Yerusalemu, hatupaswi kugeuzwa na kuzuiliwa kutoka kwenye kazi yetu kwa sababu ya taarifa, na wajumbe wanaotaka mazungumzo au ubishi, hata kwa vitisho vikali, kuchapishwa kwa uwongo, au vifaa vyovyote ambavyo Shetani anaweza kuvitumia kushawishi.” — *Ibid.*, vol. 3, p. 574.

- a. Eleza tukio ambalo watu wa Mungu washikao amri watakabiliwa-na jinsi tunapaswa kuliitikia. Ufunuo 12:17; Matendo 4:18–20.

“Kadiri pambano linavyoenea katika maeneo mapya na akili za watu zikaitwa kuelekea kwa sheria ya Mungu iliyokanyagwa, shetani atachachamaa. Nguvu zinazousukuma ujumbe huo zitawapumbaza wale wanaoupinga. Viongozi wa kanisa watatumia juhudi iliyo takriban zaidi ya uwezo wa kibinadamu kuzuilia mbali nuru hiyo isiangazie makundi yao ya wau-mini. Kwa kutumia kila njia iliyo katika uwezo wao watajitahidi kuondosha mazungumzo ya kujadiliana kuhusu mambo haya nyeti. Kanisa linaomba msaada kutoka kwa mkono wenye nguvu wa mamlaka ya dola, na, katika kazi hii, watu wa upapa na Waprotestanti wanaungana. Kadiri harakati za kuihimiza Jumapili zinavyozidi kuwa na nguvu na za kudhamiria, sheria itahitajika kuwekwa dhidi ya hao wazishikao amri. Watatishiwa kwa kutozwa faini na kufungwa gerezani, na baadhi yao wataahidiwa vyeo vyenye ushawishi, pamoja na thawabu na marupurupu mengine, kama vivutio ili waikane imani yao. Lakini jibu lao lililo thabiti litakuwa ni:

“Tuonyesheni makosa yetu kulingana na neno la Mungu” - sababu ile ile iliyotolewa na Martin Luther akiwa katika mazingira kama hayo. Wale wanaoshtakiwa mahakamani wanasimama kwa nguvu kuuthibitisha ukweli, na baadhi ya wale wanaowasia wanaongozwa kuchukua msimamo wao katika kuzishika amri za Mungu zote. Kwa njia hiyo nuru italetwa mbele ya maelfu ambao vinginevyo wasingejua lolote katika kweli hizo.” — *The Great Controversy*, p. 607.

- b. Katika kukabili upinzani, ni nini tunapaswa kukumbuka kila wakati? Yohana 9:39; Matendo 4:33; Mathayo 10:28.

“[Mitume] hawakuweza kuzuiwa au kutishwa na vitisho.” — *The Acts of the Apostles*, p. 48.

MASWALI TAFAKARI BINAFSI**Iju, Mei 30**

1. Viongozi wa Kiyahudi waliwahukumuje wagonjwa na wanaoteseka?
2. Nani na nini hasa kilimponya kipofu?
3. Kwa nini majirani wa kipofu walichanganyikiwa?
4. Ni hali gani kijana huyo alilazimika kukabiliana nayo baada ya kuponywa?
5. Je, niepukeje kuanguka kwa mtego uliowapata wazazi wake?

Sadaka za sabato ya kwanza

SABATO, JUNI 7, 2025

Kwa Mekanisa Mawili huko Tamil Nadu, India



AUshahidi wa kiakiolojia unaonyesha mapema kama 2600 K.K. Ushawishi mkuu wa kidini hapa kwa muda mrefu umekuwa Uhindu (79.8%), ukifuatiwa na Uislamu (14.2%), Ukristo (2.3%), Sikhism (1.7%), na wengine. Ingawa ripoti zipo za uwepo wa seventh day Adventist reform movement kutoka miaka ya 1920 na 1950, ilikuwa mwaka wa 1987 ambapo India Kaskazini iliwakilishwa kwa mara ya kwanza katika kikao cha wajumbe wa Mkutano Mkuu wa SDARM.

Jimbo la kusini zaidi nchini India — Tamil Nadu — linachukuliwa kuwa lenye nguvu katika tasnia na kilimo. Kazi ya Bwana imeanzishwa hapa kwa miaka mingi, lakini kuhudumia idadi kubwa ya watu zaidi ya milioni 72 katika jimbo hili, kuna haja ya kuwafikia watu wengi zaidi.

Kulingana na sensa ya Wahindi ya 2001, kijiji cha Pattiveeranpatti kilikuwa na wakazi 7,744. Kiwango chake cha wastani cha kusoma na kuandika ni 83%, juu ya wastani wa kitaifa wa 59.5% (unaofaa kwa fasihi).

Chanzo kikuu cha riziki hapa ni kahawa, ikifuatiwa na ndizi, machungwa, iliki, pilipili, na viungo vingine. Pallapatti ni kijiji kikubwa chenye wakazi 13,701.

Tangu 1998, kazi isiyochoka ya mwinjilisti kutoka Periyaklam imesaidia kuongeza idadi ya washiriki wa kanisa hasa katika maeneo haya mawili. Changamoto mbalimbali zimefanya iwe vigumu sana kuishi katika nyumba za kukodi, kwa hiyo katika hatua hii, akina ndugu katika vijiji vya Pattiveeranpatti na Pallapatti wanahitaji mahali pao pa kuabudia.

Roho ya Unabii inataja hasa India kama mahali ambapo “[mamilioni] kwa mamilioni hawajawahi kusikia hata kidogo kuhusu Mungu au upendo Wake uliofunuliwa katika Kristo. Ni haki yao kupata elimu hii. Wana dai sawa na sisi katika rehema ya Mwokozi.” — *Education*, uk. 263.

“Kwa hivyo tunawaomba kwa heshima kaka na dada zetu ulimwengu kote kutoa usaidizi wako wa ukarimu ili kujenga minara ya taa ili Bwana aangaze hapa. “Pamoja na kazi ya kutetea amri za Mungu na kurekebisha uvunjaji ambao umefanywa katika sheria ya Mungu, tunapaswa kuchanganya huruma kwa wanadamu wanaoteseka. Tunapaswa kuonyesha upendo wa hali ya juu kwa Mungu; tunapaswa kuu-tukuza ukumbusho wake. — *Welfare Ministry*, p. 32. Asante, na Bwana awabariki zawadi na watoaji!

Ndugu zenu na dada zako kutoka Pattiveeranpatti na Pallapatti

Kukabiliana na Upofu wa Kiroho

FUNGU LA KUKARIRI: “Kwa sababu hiyo nawaambia, Kila dhambi na kufuru watasamehewa wanadamu, ila kwa kumkufuru Roho hawatasamehewa. Naye mtu yoyote atakayenena neno juu ya mwana wa Adamu atasamehewa, bali yeye atakayenena neno juu ya Roho Mtakatifu hasasamehewa, katika ulimwengu huu, wala wa sasa, wala katika ule ujao” (Mathayo 12:12). 31, 32).

Inapendekezwa kusoma: *Testimonies for the Church*, vol. 2, pp. 489–497.

“Si Mungu anayepofusha macho ya watu na kuifanya mioyo yao kuwa migumu. Yeye huwapelekea nuru ili kusahihisha makosa yao, na kuwaongoza katika njia salama; macho yao hupofushwa na mioyo yao kufanywa migumu.” — *The Desire of Ages*, p. 322.

1. KUHOJIWA UPYA

Jpil, Jun 1

- a. Walipomwita kwa mara ya pili yule kijana ambaye Yesu alimponya macho, Mafarisayo walijaribu kumlazimisha kufanya nini? Yohana 9:24.

“Mafarisayo waliona kwamba walikuwa wanaitangaza ile kazi iliyofanywa na Yesu. Hawakuweza kuukana mwujiza. Yule mtu aliyekuwa kipofu alikuwa amejazwa na furaha na shukrani; alivitazama viumbe vya asili vilivyoonekana vya ajabu kwake, alipendezwa na mwonekano wa uzuri wa dunia na anga. Alijisikia huru kusimulia kilichomtokea, lakini wakajaribu kumnyamazisha tena, wakisema, “Mpe Mungu utukufu Mungu ndiye amefanya hili.” — *The Desire of Ages*, p. 473.

- b. Ni hoja gani isiyoweza kukanushwa ambayo kijana huyo aliwasilisha? Yohana 9:25.

- a. Mafarisayo walimwuliza nini tena yule kijana ambaye macho yake yalikuwa yameponywa—na lengo lao hasa lilikuwa ni nini? Yohana 9:26.
-

“[Mafarisayo] Kisha wakauliza tena, “Alikutendea nini? Alikufumbua macho jinsi gani?” Kwa kutumia maneno mengi-mengi walijaribu kumchanganya mawazo, ili ya kwamba ajifikirie kwamba ameamini uongo. Shetani na malaika zake waovu walikuwa katika upande wa Mafarisayo, nao waliunganisha nguvu zao na mawazo ya mwanadamu ili kushindana na ushawishi wa Kristo. Walihafifisha usadikisho uliokuwa unaingia mawazoni mwa watu wengi.” — *The Desire of Ages*, p. 473.

- b. Kijana aliwajibu vipi—na ni nani aliyesimama kando yake ili kumtia moyo hivyo? Yohana 9:27.
-

“Malaika wa Mungu nao pia walikuwa pale kumtia nguvu yule aliyekuwa amepata kuona.

“Mafarisayo hawakugundua kwamba walikuwa na kazi ya kushughulika na kitu ambacho ni zaidi ya yule mtu asiye na elimu aliyekuwa kipofu; hawakumjua Yeye waliyekuwa wanapambana naye. Nuru ya kimbungu ilikuwa inamulika katika sehemu za ndani ya moyo wa yule aliyekuwa kipofu. Kadiri wanafiki hawa walivyomfanya asiamini, Mungu alimsaidia kuonyesha, kwa nguvu na msimamo wa majibu yake, kiasi kwamba asingenaswa.” — *Ibid.*, pp. 473, 474.

- c. Je, tunahakikishiwaje msaada huu huu leo? Luka 12:11, 12.
-

“Sasa, pamoja na Biblia zenu mnataka kwenda mbele za Mungu, zifungueni mbele za Mungu, na msihi Mungu. Unataka ufahamu wako uhuishwe; unataka kujua kuwa unajua kanuni halisi za ukweli, halafu ukikutana na wapinzani hutakiwi kukutana nao kwa nguvu zako mwenyewe. Malaika wa Mungu atasimama karibu nawe ili kukusaidia katika kujibu kila swali ambalo unaweza kuulizwa. Lakini wakati huo huo Shetani atasimama karibu na wapinzani wenu ili kuwachochea waseme mambo magumu mnayoweza kustahimili, ili kuwachokoza ninyi kusema bila kukusudia; lakini maongezi yenu yawe ya jinsi Shetani asije akapata faida ya maneno yenu.” — *The Review and Herald*, May 3, 1887.

- a. Hawakuweza kumdanganya kijana aliyeponywa, ni jinsi gani Mafarisayo walimdharau—na ujinga huo umeonyeshwaje katika historia yote? Yohana 9:28, 29; 1 Wakorintho 1:18, 19, 26–28 .
-

“Kwa kanisa Lake katika kila kizazi Mungu ana ukweli maalum na kazi maalum. Ukweli ambao umefichwa kutoka kwa wenye hekima na busara wa kidunia unafunuliwa kwa watoto na wanyenyekevu. Inahitaji kujidhabihu. Ina vita vya kupigana na ushindi wa kushinda. Hapo awali watetezi wake ni wachache. Na watu wakuu wa ulimwengu na kwa kanisa linalofanana na ulimwengu, wanapingwa na kudharauliwa. . . .

“Viongozi wakuu wa fikira za kidini katika kizazi hiki wanatangaza sifa na kujenga makaburi ya wale waliopanda mbegu ya ukweli karne nyingi zilizopita. Je, wengi hawageukii kazi hii na kukanyaga ukuzi unaochipuka kutoka kwenye mbegu ileile leo? Kilio cha kale kinarudiwa, ‘Tunajua ya kuwa Mungu alisema na Musa; lakini huyu [Kristo katika mjumbe Anayemtuma], hatujui atokako.’ Yoh. 9:29 . Kama ilivyokuwa katika enzi za awali, kweli za pekee za wakati huu zinapatikana, si kwa mamlaka za kikanisa, bali kwa wanaume na wanawake ambao si watu waliosoma sana au wenye hekima kupita kiasi cha kuamini neno la Mungu.” — *Christ’s Object Lessons*, pp. 78, 79.

- b. Ni mfano gani tunaoweza kujifunza kutoka kwa ushuhuda wa dhati wa kijana, pamoja na waumini wengine waaminifu katika Kristo? Yohana 9:30–33; Matendo 4:19, 20
-

“Kwa unyenyekevu wote, katika roho ya neema, na katika upendo wa Mungu tunapaswa kuwaelekeza wanadamu kwenye Ukweli kwamba Bwana Mungu Ndiye Muumba wa mbingu na dunia, na kwamba siku ya saba ni Sabato ya Bwana.

“Katika jina la Bwana tunapaswa kwenda mbele, tukiifunua bendera yake, tukilitetea Neno Lake. Wakati wenye mamlaka wanapotuamuru tusifanye kazi hii, wanapotukataza kutangaza amri za Mungu na imani ya Yesu, basi itatulazimu sisi kusema kama walivyosema mitume: “Amueni ninyi wenyewe iwapo ni haki mbele za Mungu kuwatii ninyi kuliko kumtii Mungu. Lakini sisi hatuwezi kuacha kusema yale tuliyoyaona na kuyasikia.” Matendo 4:19, 20.” — *Testimonies for the Church*, vol. 6, p. 395.

- a. Kwa kuwa Mafarisayo wenye hasira hawakutaka kukubali uthibitisho huo, walifanya nini na yule kijana aliyeshuhudia uponyaji wake? Yohana 9:34.
-

“Huyu mtu alikutana na wadodosaji wake mahali pake. Hoja yake haiku-pingika. Mafarisayo walishangazwa, wakatulia, - wakiwa wamepigwa butwaa kwa sababu ya maneno yake makini na ya dhati. Kwa muda fulani kulikuwa na ukimya. Kisha makuhani na marabi hawa wasio na furaha walikusanya majoho yao, kama vile wanaoogopa unajisi kwa kukutana na mtu yule; walikung’uta mavumbi ya miguu yao, na ku-sema maneno ya kumkejeli, kwamba, „Wewe ulizaliwa katika dhambi tupu, nawe unatufundisha sisi?” Wakamtenga kidini” — *The Desire of Ages*, p. 474.

- b. Kinyume chake, Yesu alimtendeaje yule kijana? Yohana 9:35–38.
-

“Yule mtu akajitupa miguuni pa Mwokozi na kumsujudia. Si tu kwamba alikuwa ameponywa kuona kwa kawaida, bali macho ya uelewa wake yalikuwa yamefunguliwa pia. Kristo alikuwa amefunuliwa moyoni mwake, naye alimpokea Kristo kama Aliyetumwa na Mungu.” — *The Desire of Ages*, p. 475.

- c. Eleza tofauti kubwa kati ya kuwafukuza waasi wakaidi dhidi ya vipofu wakaidi wanaomkataa Kristo wanaozitenga na roho zinazomtii Mungu kwa upendo. 1 Wafalme 9:6–9; Mathayo 12:31, 32; Zaburi 11:3.
-

“[Wycliffe aliona] kwamba mtu hawezi kutengwa isipokuwa amejiletea yeye mwenyewe hukumu ya Mungu.”—*The Great Controversy*, p. 84.

“Upinzani ni hali iliyopo dhidi ya wote ambao Mungu huwatumia kuu-tangaza ukweli maalum wa wakati wao. Kulikuwa na ukweli wa wakati mnamo siku za Luther, - ukweli wenye umuhimu maalum kwa wakati ule. Kuna ukweli wa wakati wetu katika kanisa leo. Wale waupelekao ukweli wa wakati huu wasitarajie kupokelewa kwa kupendwa kuliko ilivyokuwa kwa matengenezo ya awali. Pambano kuu kati ya ukweli na uongo, kati ya Kristo na Shetani, litaongezeka makali yake kadiri tunavyoelekea katika kufungwa kwa historia ya dunia hii.” — *Ibid.*, pp. 143, 144.

a. Yesu alisema nini kuhusu matokeo ya kazi Yake? Yohana 9:39.

“Kundi la Mafarisayo lilikuwa limekusanyika karibu, na mwoneka-no wao ulionyesha mawazoni mwa Yesu ukinzani ambao haujapata kudhihirika ulioletwa na maneno na matendo yake. Akasema, „Mimi nimekuja ulimwenguni humu kwa hukumu, ili wao wasioona waone, nao wanaoona wawe vipofu.” Kristo alikuwa amekuwa kufumbua macho ya vipofu, kuwapa nuru wale walio gizani. Alikuwa amejitangaza kwamba ni nuru ya ulimwengu, na mwujiza uliokuwa umefanyika ulikuwa ushuhuda wa kazi yake. Watu waliomwona Mwokozi wakati alipokuja duniani mara ya kwanza walijaliwa kuona udhihirisho kamili wa uwepo wa uungu kuliko ulimwengu ulivyopata kushuhudia. Maarifa ya kumjua Mungu yalifunuliwa kwa ukamilifu zaidi. Lakini katika ufundo wenyewe huo, watu walihukumiwa. Tabia zao zilijaribiwa, hatima zao ziliamuriwa.” — *The Desire of Ages*, p. 475.

b. Mafarisayo waliitikiaje maneno ya Kristo? Yohana 9:40. Alipokuwa akiwahutubia, Yesu alifunua je hatia yao kwa ajili ya upofu wao wenyewe? Yohana 9:41.

“Ule udhihirisho wa uwezo wa kimbangu uliokuwa umempatia yule kipofu hali ya kuona kimwili na kiroho ulikuwa umewaacha Mafarisayo katika giza zito zaidi kuliko kabla. Baadhi ya watu waliosikia, wakihihi kwamba maneno ya Kristo yaliwahusu wao, waliuliza, “Je! Sisi nasi tu vipofu?” Yesu akajibu, “Kama mngokuwa vipofu, msingekuwa na dhambi.” Ikiwa Mungu angekuwa amefanya isiwezekane ninyi kuuona ukweli kusingekuwa na hatia. “Lakini sasa mwasema, Twaona.” Mnajiamini wenyewe kwamba mna uwezo wa kuona, nanyi mnakataa njia ambayo kwayo pekee mngepata kuona. Kristo alikuja na msaada usio na ukomo kwa wote wanaogundua hitaji lao. Lakini Mafarisayo wasingekiri kuhitaji kitu; walikataa kuja kwa Kristo, na kwa hiyo walia- chwa katika upofu wao, - upofu ambao uliwafanya wao wenyewe wakawa na hatia. Yesu akasema, “Basi dhambi yenu inakaa.” — *Ibid*.

MASWALI TAFAKARI BINAFSI**Iju, Jun 6**

1. Mafarisayo walijaribu kumsadikisha nini mtu aliyekuwa kipofu?
2. Nani alikuwa akiwatumia Mafarisayo wasioamini?
3. Ni nani aliyemsaidia kijana huyo kutoa majibu ya wazi na yenye kusadikisha?
4. Ni nini kilifanyika alipomkiri Kristo kwa ujasiri na waziwazi?
5. Eleza ni nini hasa aina mbaya zaidi ya upofu, na kwa nini.

Yesu, Mchungaji Mwema

FUNGU LA KUKARIRI: “Mimi ndimi mchungaji mwema: mchungaji mwema huutoa uhai wake kwa ajili ya kondoo” (Yohana 10:11).

Inapendekezwa kusoma: *The Desire of Ages*, pp. 476–484.

“Kristo ni vyote viwili, mlango na mchungaji. Anaingia ndani kupitia Yeye mwenyewe. Anakuwa mchungaji wa kondoo kupitia kafara yake mwenyewe.” — *The Desire of Ages*, p. 478.

1. MWIVI NA MCHUNGAJI

Jpil, Jun 8

a. Yesu alitofautishaje kati ya mwivi na mchungaji, na ni somo gani la kiroho alilokuwa akitoa mfano? Yohana 10:1,2.

“Kristo alielekeza unabii huu [akirejelea utume wa uchungaji wa masihi, kama inavyopatikana katika Isaya 40: 9-11; Zaburi 23:1, na Ezekieli 34:23,16,25,28] kwake mwenyewe, na alionyesha tofauti iliyokuwepo kati ya tabia yake na ile ya viongozi wa Israeli. Muda si mrefu Mafarisayo walikuwa wamemfukuza mtu kutoka katika zizi lao, kwa sababu alithubutu kutoa ushuhuda kuhusu uweza wa Kristo. Walikuwa wameikatilia mbali roho ambayo Mchungaji wa Kweli alikuwa anaivuta kwake. Katika hili walikuwa wameonyesha kwamba hawajui kazi iliyokabidhiwa kwao, na ya kwamba hawaistahili ile hali ya kutumainiwa waliyokuwa wamepewa kama wachungaji wa kondoo. Sasa Yesu alionyesha mkinzano uliokuwepo kati yao na Mchungaji Mwema, na alijionyesha kwamba Yeye ndiye mwangalizi halisi wa kundi la kondoo la Bwana.” — *The Desire of Ages*, p. 477.

“Kristo anatupenda kwa sababu sisi ni wanyonge na wategemezi.— *Sermons and Talks*, vol. 1, p. 248.

b. Je, kuna uhusiano gani kati ya kondoo na mchungaji wao? Yohana 10:3,4. Kondoo watafanya nini mbele ya mgeni? Yohana 10:5.

a. Je, Yesu alidhihirishaje tofauti yake mwenyewe na Mafarisayo? Yohana 10:7-10.

"Kristo ndiye mlango wa kuingilia katika zizi la Mungu. Watoto wake wote, tangu kale na kale, wamepata kuingia kupitia mlango huu. Katika Yesu, kama ilivyoonyeshwa katika mifano ya agano la kale, kama ilivyoonyeshwa katika alama za kivuli, kama ilivyodhihirishwa katika mafunuo ya manabii, kama ilivyofunguliwa katika mafundisho yaliyotolewa kwa wanafunzi wake, na katika miujiza iliyotendwa kwa wana wa wanadamu, watu wamemwona "Mwana-kondoo wa Mungu aichukuaye dhambi ya ulimwengu" (Yohana 1:29), na kupitia kwake wanaletwa zizini mwa neema yake. Watu wengi wamekuja wakionyesha vitu vingine kwa ajili ya imani ya ulimwengu; maadhimisho na mifumo vimebuniwa ambavyo kwa hivyo watu hutumainia kupokea hali ya kuhesabiwa haki na amani katika Mungu, ili kwa njia hiyo wapate kuingia katika zizi lake. Lakini mlango pekee ni Kristo, na wote ambao wameingiza kitu fulani mahali pa Kristo, wote ambao wamejaribu kuingia zizini kwa njia nyingine, ni wezi na wanyang'anyi.

"Mafarisayo hawakuwa wameingia kupitia katika mlango huu. Walikuwa wamekwea ili kuingia zizini kupitia njia nyingine ambayo si Kristo, na hawakuwa wanatekeleza kazi ya mchungaji wa kweli. Makuhani na wakuu, wandishi na Mafarisayo, waliharibu malisho yaliyo hai, na walichafua visima vya chemchemi ya maji ya uzima. Kwa uaminifu maneno ya uvuvio yanawafafanua hao wachungaji wa uongo, yakisema: „Wagonjwa hamkuwatia nguvu, wala hamkuwaponya wenye maradhi, wala hamkuwafunga wali-ovunjika, wala hamkuwarudisha waliofukuzwa, . . . bali kwa nguvu na kwa ukali mmewatawala." Ezekieli 34:4" — *The Desire of Ages*, pp. 477, 478.

b. Je, mchungaji wa kweli ana tofauti gani na Mtu wa Mshahara? Yohana 10:11-13.

"Wanahitajika,, sio wanaume tu wanaoweza kuhubiri, bali wale walio na ujuzi wa majaribio wa fumbo la utauwa, na wanaoweza kukidhi mahitaji ya haraka ya watu—wale wanaotambua umuhimu wa nafasi zao kama watumishi wa Yesu, na kwa moyo mkunjufu wauchukue msalaba ambao amewafundisha jinsi ya kuubeba.

"Ni muhimu sana kwa mchungaji kuchanganyikana sana na watu wake, na hivyo kufahamiana na awamu tofauti za asili ya mwanadamu. Anapaswa kusoma utendaji wa akili, ili ayapate mafundisho yake kulingana na akili ya wasikilizaji wake. Hivyo atajifunza sadaka hiyo kuu ambayo inamilikiwa na wale tu wanaosoma kwa karibu asili na mahitaji ya wanadamu." — *Gospel Workers*, p. 191.

a. Je, Yesu alionyesha sifa gani nyingine ya mchungaji mwema? Yohana 10:14, 15 .

"Vile mchungaji wa kondoo wa kidunia anavyojua kondoo wake, ndivyo Mchungaji wa kimbingu anavyojua kondoo wake waliotawanyika katika ulimwengu wote. "Na ninyi, kondoo zangu, kondoo za malisho yangu, ni wanadamu, na mimi ni Mungu wenu, asema Bwana MUNGU." Yesu anasema, "Nimekuita kwa jina lako, wewe u wangu." "Nimekuchora katika vitanga vya mikono yangu." Ezekieli 34:31; Isaya 43:1; 49:16.

"Yesu anatujua mmoja mmoja, na anaguswa na hisia za udhaifu wetu. Anatujua sote kwa majina. Anaijua hata nyumba tunamoishi, na jina la kila mtu anayeishi humo. Katika nyakati tofauti amewaelekeza watumishi wake kwenda katika mtaa fulani katika mji fulani, katika nyumba kama hiyo, ili kumtafuta mmoja wa kondoo wake.

"Kila mtu anajulikana kikamilifu kwa Yesu kwa namna ambayo ni kama vile Mwokozi alikufa kwa ajili ya huyo peke yake. Shida ya kila mmoja inaogusa moyo wa Kristo. Kilio cha kutaka msaada hulifikia sikio lake. Alikuwa kuwavuta watu wote kwake. Anawahimiza kwamba, "Nifuate," na Roho wake husukuma mioyo yao na kuwavuta kuja kwake. Watu wengi hukataa kuvutwa. Yesu anawajua kwamba ni watu gani. Anawajua pia wale wanaosikiliza kwa furaha wito wake, na wakawa tayari kuja chini ya utunzaji wake wa kichungaji. Anasema, "Kondoo wangu waisikia sauti yangu; nami nawajua, nao wanifuata." Yeye anamtunza kila mtu kwa namna ambayo ni kama vile hakuna mtu mwingine ambaye yuko kwenye uso wa dunia." — *The Desire of Ages*, pp. 479, 480.

b. Yesu alionyesha kujali kondoo gani wengine? Yohana 10:16.

"Yesu alifikiria kuhusu watu walioko ulimwenguni kote ambao walipoto-shwa na wachungaji wa uongo. Wale aliotafuta kuwakusanya kama kondoo wa malisho yake walikuwa wametawanyika katikati ya mbwa-mwitu, naye akasema, „Na kondoo wengine ninao, ambao si wa zizi hili; na hao nao imenipasa kuwaleta; na sauti yangu wataisikia; kisha kutakuwako kundi moja na mchungaji mmoja." — *Ibid.*, p. 483.

"Mungu ana vito vya thamani katika makanisa yote, na si juu yetu kufanya shutuma kali kwa ulimwengu unaodai kuwa wa kidini, bali kwa unyenyekevu na upendo, kuwasilisha ukweli wote kama ilivyo katika Yesu. Hebu watu waone utauwa na ujitoaji, na watazame kufanana na tabia ya Kristo, na watawutwa kwenye ukweli." — *The SDA Bible Commentary [E. G. White Comments]*, vol. 4, p. 1184.

a. Ni nguvu gani za kiungu ambazo Yesu alitangaza kuwa anazo? Yohana 10:17, 18 .

"Maana yake, Baba yangu amewapenda sana, kiasi kwamba ananipenda hata Mimi zaidi kwa ajili ya kuyatoa maisha yangu kuwakomboa ninyi. Katika kuwa mbadala na uhakika wenu, kwa kusalimisha maisha yangu, kwa kuchukua hali zenu, maovu yenu, nimependelewa na Baba yangu.

"Nautoa uhai wangu ili niutwae tena. Hakuna mtu aniondoleaye, bali mimi nautoa mwenyewe. Nami ninao uweza wa kuutoa, ninao na uweza wa kuutwaa tena." Wakati akiwa mshirika wa jamaa ya wanadamu alikuwa na mwili wa kufa, akiwa kama Mungu alikuwa chemchemi ya uzima kwa ajili ya ulimwengu. Angeweza kusimama juu kuliko penye kifo, na kukataa kuja chini ya nguvu ya kifo; lakini kwa hiari yake aliya-toa maisha yake, ili kwamba apate kuiweka wazi hali ya kutokufa. Aliibeba dhambi ya ulimwengu, alistahimili laana, aliutoa uhai wake kama kafara, ili ya kwamba wanadamu wasife kifo cha milele. "Hakika ameyachukua masikitiko yetu, Amejitiwika huzuni zetu;Alijeruhiwa kwa makosa yetu, Alichubuliwa kwa maovu yetu; Adhabu ya amani yetu ilikuwa juu yake, Na kwa kupigwa kwake sisi tumepona. Sisi sote kama kondoo tumepotea; Kila mmoja wetu amegeukia njia yake mwenyewe; Na Bwana ameweka juu yake Maovu yetu sisi sote." Isaya 53:4-6." — *The Desire of Ages*, pp. 483, 484.

b. Ni nini kinachowaongoza watu kumfuata Kristo? Yohana 10:27; 1 Yohana 4:10, 19 .

"si kuogopa adhabu, wala kutumainia thawabu ya milele. Wanauona upendo wa Mwokozi ambao haulinganishwi na chochote, ukiwa ume-funuliwa katika maisha yake yote ya kuishi duniani, tangu katika hori la ng'ombe kule Bethlehemu hadi kwenye msalaba wa Kalvari, na kule kumwona Yeye kunavuta, kulainisha na kutiisha moyo. Upendo huam-shwa katika mioyo ya watu wanaomwona. Wanaisikia sauti yake, nao humfuata." — *Ibid.*, p. 480.

"Tunazingatia maisha yake duniani, dhabihu Yake kwa ajili yetu, kazi yake mbinguni kama mtetezi wetu, na makao anayotayarisha kwa ajili ya wale wanaompenda, na tunaweza kusema tu, Ee kimo na kina cha upendo wa Kristo!" — *The Acts of the Apostles*, p. 334.

a. Je, Yesu anawapa kondoo wake uhakikisho gani? Yohana 10:28, 29.

“Ingawa sasa amepaa kwenda mbele ya uwepo wa Mungu, na kuhiriki katika kiti cha enzi cha malimwengu, Yesu hakupoteza sehemu yoyote ya hali yake ya huruma. Leo moyo ule ule wa upendo na huruma umefunguka katika shida zote za wanadamu. Leo mkono ule uli-otobolewa unafikiwa na watu walio ulimwenguni ili kuwabariki watu wake kwa baraka tele. „Wala hawatapotea kamwe; wala hakuna mtu-atakawapokonya katika mkono wangu.” Mbele ya Kristo, mtu ambaye amejitoa wakfu kwake ana thamani kubwa zaidi kuliko ulimwengu wote. Mwokozi angeweza kupita katika maumivu yale ya Kalvari ili mtu mmoja apate wokovu na kuingia katika ufalme wake. Kamwe hatamwacha mtu ambaye kwa ajili yake amekufa. Atawashikilia wafuasi wake kwa mkono imara, isipokuwa wao wenyewe wakichagua kumwacha.” — *The Desire of Ages*, pp. 480–483.

b. Usalama wetu wa kiroho na uhakikisho wa wokovu unategemea nini? Warumi 8:31–39.

“Katika mahakama juu, Kristo analiombea kanisa Lake—akiwasihi wale ambao amelipa bei ya ukombozi wa damu Yake. Karne, enzi, kamwe haziwezi kupunguza ufanisi wa dhabihu Yake ya upatanisho. Wala uzi-ma, wala mauti, kimo, wala kina, haviwezi kututenga na upendo wa Mungu ulio katika Kristo Yesu; si kwa sababu tunamshikilia sana, bali kwa sababu anatushikilia sana. Ikiwa wokovu wetu ulitegemea juhudi zetu wenyewe, hatungeweza kuokolewa; bali inategemea Yule aliye nyuma ya ahadi zote. Kumshika kwetu kwake kunaweza kuonekana kuwa duni, lakini upendo wake ni ule wa kaka mkubwa; mradi tu tunadumisha muungano wetu naye, hakuna anayeweza kututoa kutoka kwa mkono Wake.” — *The Acts of the Apostles*, pp. 552, 553.

1. Eleza tofauti ya mwenendo kati ya mchungaji na mwizi.
2. Kupitia ishara gani nyingine Yesu alijitambulisha Mwenyewe?
3. Wachungaji wa kweli hutendaje na kondoo wao?
4. Kwa nini kondoo hufuata mchungaji na si mgeni?
5. Eleza jinsi tunavyopaswa kuwa na uhakika wa wokovu.

Yesu na Lazaro

FUNGU LA KUKARIRI: “Ni ya thamani machoni pa Bwana mauti ya wacha Mungu wake” (Zaburi 116:15).

Inapendekezwa kusoma: *The Ministry of Healing*, pp. 219–224.

“Katika Kristo kuna uzima, uzima halisi, ambao si wa kuazimwa, ambao si wa kutengeneza.... Uungu wa Kristo ni uthibitisho wa uzima wa milele” — *The Desire of Ages*, p. 530.

1. FAMILIA YA BETHANIA

Jpili, Jun 15

a. Yesu alikuwa na wanafunzi gani katika mji wa Bethania? Yohana 11:5.

“[Kristo] Moyo wake ulikuwa umeunganishwa sana na familia hiyo ya Bethania kwa kifungo cha upendo, na kwa ajili ya mmoja wa hao kazi yake ya ajabu mno ilifanyika.

“Pale nyumbani kwa Lazaro, Yesu alikuwa amepata mahali pa kupumzikia. Mwokozi hakuwa na nyumbani kwake mwenyewe; alikuwa tegemezi wa ukarimu wa rafiki zake na wanafunzi wake, na mara kwa mara, alipokuwa amechoka, akiwa na kiu ya kujumuika na wanadamu, alikuwa akifurahia kukimbilia katika nyumba hii tulivu, mahali palipo mbali na kufuatiliwa na Mafarisayo waliokuwa na wivu. Alipata ukaribisho wa dhati mahali hapa na kupata urafiki safi na wenye utakatifu. Hapa ndipo alipoweza kusema kwa wepesi na uhuru kamili, akijua kwamba maneno yake yangeeleweka na kuhifadhiwa.” — *The Desire of Ages*, p. 524.

b. Ni katika aina gani ya nyumba ambapo Mungu yupo na baraka zake alizochagua zaidi? Mithali 3:33 (sehemu ya mwisho).

“Mwokozi wetu alifurahia nyumba tulivu na wasikilizaji wenye usikivu. Alitafuta wema, upole, na upendo. Wale waliopokea mafundisho ya kimbingu ambayo alikuwa tayari kila wakati kuyatoa walibarikiwa sana.”—Ibid.

- a. Dada za Lazaro walichukua hatua gani ndugu yao alipokuwa mgonjwa sana—na ni jibu gani walilopokea? Yohana 11:1–4.
-

“Lazaro alishikwa na ugonjwa wa ghafla, na dada zake wakatuma ujumbe kwa Mwokozi, wakisema, „Bwana, yeye umpendaye hawezi.” Waliiona nguvu ya ugonjwa uliokuwa umemshika kaka yao, lakini waliujua kwamba Kristo alikuwa ameonyesha uwezo wa kuponya namna zote za magonjwa. Waliamini kwamba angewaonea huruma katika shida yao; kwa hiyo hawakumhimiza kuwepo haraka, bali walimpelekea ujumbe wa imani kwamba, „Yeye umpendaye hawezi.” Walidhani kwamba angeitikia haraka, na kuwa nao mara tu afikapo Bethania.

“Walisubiri kwa hamu neno kutoka kwa Yesu. Kwa muda wote ambao uhai ulikuwa bado ndani ya kaka yao, waliomba na kusubiri Yesu aje. Lakini mjumbe aliyetumwa hakurudi na Yesu. Bali alileta ujumbe kwamba, „Ugonjwa huu si wa mauti,” nao wakashikilia tumaini hilo kwamba Lazaro angeishi. Kwa upendo walijaribu kusema maneno ya kutia moyo na tumaini kwa mgonjwa yule aliyekuwa karibu ya kupoteza fahamu.” — *The Desire of Ages*, pp. 525, 526.

- b. Eleza maneno na matendo ya Kristo katika siku chache zijazo. Yohana 11:5–8.
-
-

“Kwa zile siku mbili Kristo alionekana kama vile amepuuza ule ujumbe; maana hakusema lolote kuhusu Lazaro. Wale wanafunzi walifikiria kuhusu Yohana Mbatizaji, mtangulizi wa Yesu. Walikuwa wameshangaa kwamba ni kwa nini Yesu, mwenye uwezo wa kufanya miujiza ya ajabu, alikuwa ameruhusu Yohana atelekezwe gerezeni, na kufa kifo cha kikatili. Akiwa na uwezo kama huo, kwa nini Kristo hakuokoa maisha ya Yohana? Mafarisayo walikuwa wameuliza mara kwa mara swali hili, ambao walionyesha kama hoja isiyopingika dhidi ya madai ya Kristo kuwa ni Mwana wa Mungu. Mwokozi alikuwa amewaonya wanafunzi wake kuhusu majaribu, kupata hasara, na mateso. Je, angewaacha wakati wa majaribu? Baadhi walihoji kama huenda wameikosea kazi yake. Wote walifadhaika sana.....

“Wale wanafunzi walihoji ni kwa nini Yesu alikuwa amesubiri kwa siku mbili ikiwa alikuwa aende Uyahudi. Baada ya kusubiri kwa siku mbili, Lakini wasiwasi kwa ajili ya Yesu na wao wenyewe ulikuwa umefikia kiwango cha juu mawazoni mwao. Hawakuona kitu kingine katika mwelekeo alikuwa nao isipokuwa hatari. — *Ibid.*, pp. 526, 527.

- a. Ni ujumbe gani usio na wakati tunaoweza kupata kutokana na jinsi Kristo alivyoshughulikia mlolongo tata wa matukio yanayohusu ugonjwa wa Lazaro? Yohana 11:9, 10.
-
-
-

"Wale ambao wanaweza kuwa watenda kazi pamoja na Kristo, lakini ambao wamewakataa wajumbe na ujumbe wao, watapoteza uwezo wao. Watatembea gizani, bila kujua wanajikwaa nini. Hao wako tayari kudanganywa na udanganyifu wa siku ya mwisho. Akili zao zinashughulishwa na mambo madogo-madogo, na wanapoteza nafasi iliyobarikiwa ya kufungwa nira pamoja na Kristo, na kuwa watenda kazi pamoja na Mungu." — *Fundamentals of Christian Education*, p. 471.

- b. Je, ni ufunuo gani wa kustaajabisha ambao Yesu alikuwa akiwapa wanafunzi Wake—lakini walifasiri vipi maneno yake? Yohana 11:11, 12.
-
-
-

"Aliyasema hayo; kisha, baada ya hayo, akawaambia, Rafiki yetu, Lazaro, amelala; lakini ninakwenda nipate kumwamsha." "Rafiki yetu, Lazaro, amelala." Maneno haya yanagusa jinsi gani! Yamejaa huruma jinsi gani! Kwa mawazo yao kuhusu hatari ambayo Bwana wao alikuwa anaelekea kukutana nayo alipokuwa akielekea Yerusalemu, wanafunzi wale walikuwa wameshasahau habari za familia iliyopotelewa na mpendwa wao kule Bethania. Lakini kwa Kristo haikuwa hivyo. Wale wanafunzi walijihisi kuhukumiwa. Walikuwa wamefadhaika kwa sababu Kristo hakuitikia ule ujumbe kwa haraka. Walikuwa wamejaribiwa kufikiri kwamba hakuwa na upendo wa dhati kwa Lazaro na dada zake kwa kiasi kile walichodhani kwamba anawapenda, la sivyo angekuwa alifanya haraka kwenda na yule mjumbe aliyetumwa. Lakini maneno haya kwamba, "Rafiki yetu, Lazaro, amelala," yaliamsha hisia sahihi mawazoni mwao. Walishawishika kwamba Kristo hakuwa amewasahau rafiki zake wale waliokuwa katika shida." — *The Desire of Ages*, p. 527.

- c. Eleza maneno ya Kristo yalimaanisha nini hasa. Yohana 11:13, 14.
-
-
-

"akini Yesu alikuwa amenena habari ya mauti yake; nao walidhania ya kuwa ananena habari ya kulala usingizi." Kristo huonyesha kifo cha watoto wake wanaoamini kwa kukiwakilisha na kusinzia. Maisha yao yanafichwa na Kristo ndani ya Mungu, na wale wanaokufa watalala mle ndani yake mpaka parapanda ya mwisho itakapolia." — *Ibid*.

- a. Kwa nini Yesu alikaa mbali na Bethania hata baada ya kujua kwamba Lazaro amekufa? Yohana 11:15.

“Wale wanafunzi waliduwazwa na maneno ya Kristo wakati aliposema, “Lazaro amekufa. Nami nafurahikwamba sikuwako huko.” Je, Mwokozi alichagua kwa makusudi kuiacha nyumba ya rafiki zake wenye shida. Ilionekana kama vile Mariamu na Martha na Lazaro aliyekuwa anakufa wali kuwa wameachwa peke yao. Lakini hawakuwa peke yao. Kristo alitazama tukio lote, na baada ya kufa kwa Lazaro wale waliofiwa walishikiliwa na nema yake. Yesu alishuhudia huzuni ya mioyo yao iliyoraruka, wakati kaka yao alipokuwa akipambana na adui yule mwenye nguvu, yaani kifo. Alihihi si kila hisia ya maumivu, alipowaambia wanafunzi wake kwamba, “Lazaro amekufa.” Lakini si kule Bethania tu ambako Kristo alikuwa na wapendwa wa kuwafikiria; alikuwa na kazi pia ya kuwafundisha wanafunzi wake. Walitarajiwa kuwa wawakilishi wake kwa ulimwengu, ili ya kwamba mbaraka kutoka kwa Baba uwafikie wote. Kwa manufaa yao aliruhusu kwamba Lazaro afe. Ikiwa angemponya kutoka katika ugonjwa ule, mwujiza ambao ndio uthibitisho mkubwa mno wa tabia yake ya kiungu usingepata kufanyika.” — *The Desire of Ages*, p. 528.

- b. Je, tunapaswa kutambua nini kwa jinsi Mponyaji Mkuu alivyomruhusu Lazaro, rafiki yake, awe mgonjwa sana na kufa kweli? 1 Wakorintho 15:17–19; Zaburi 18:28.

“[Kazi ya Kristo] haikuishia kwa maonyesho ya uwezo Wake juu ya magonjwa. Alifanya kila kazi ya uponyaji kuwa tukio la kupandikiza ndani ya moyo kanuni takatifu za upendo na ukarimu Wake.” — *Counsels on Health*, p. 249.

“Tkiwa Kristo angelikuwa katika chumba cha mgonjwa, Lazaro asingelikufa; maana Shetani asingekuwa na nguvu juu yake. Kifo kisingeweza kulenga mshale wake kwa Lazaro mbele ya uwepo wa Mpaji wa uzima. Kwa hiyo Kristo alibaki mbali. Alimwacha adui atekeleze mamlaka yake, ili ya kwamba apate kumfukuzia mbali, adui aliyeshindwa. Aliruhusu kwamba Lazaro apite chini ya nguvu ya kifo; na wale wadada wenye majonzi walimwona kaka yao akilazwa kaburini. Kristo alijua kwamba kadiri ambavyo wangeutazama uso wa kaka yao aliyekufa imani yao kwa Mkombozi ingejaribiwa kwa hali ya juu sana. Lakini alijua kwamba kwa sababu ya pambano waliokuwa wanalipitia kwa sasa imani yao ya baadaye ingeangaza kwa nguvu kubwa zaidi sana. Aliruhusu kila mchomo wa huzuni waliostahimili. Si kwamba aliwapenda kidogo kwa kule kukawia; bali alijua kwamba kwa ajili yao, kwa ajili ya Lazaro, kwa ajili yake, na kwa ajili ya wanafunzi wake, ushindi ulikuwa unaenda kupatikana.” — *The Desire of Ages*, p. 528.

- a. Ni lazima tufikirie nini sikuzote kuhusu kifo cha watumishi waaminifu wa Mungu, bila kujali kinatokeaje? Zaburi 116:15. Taja mfano.

“Elisha hakuruhusiwa kumfuata bwana wake katika gari la moto. Juu yake Bwana aliruhusu ugonjwa wa kudumu uje. Wakati wa saa nyingi za udhaifu wa kibinadamu na mateso imani yake ilishikilia sana ahadi za Mungu, na aliona daima juu yake wajumbe wa mbinguni wa faraja na amani. Imani alikuwa amekomaa katika tumaini la kudumu kwa Mungu wake, na kifo kilipomwita alikuwa tayari kupumzika kutokana na taabu zake.” — *Prophets and Kings*, pp. 263, 264.

- b. b.Ni matukio gani yalifanyika Bethania kabla ya kuwasili kwa Yesu—na ni nani mwingine aliyekuwa pale alipokuja? Yohana 11:17–19.

“Kwa kule kukawia kwake kuja huku kwa Lazaro, Kristo alikuwa na kusudi jema kwa wale ambao hawakuwa wamempokea. Alikawia, ili kwamba kwa kumfufua Lazaro awapatie wale watu wenye mioyo migumu na wasioamini uthibitisho mwingine kwamba Yeye alikuwa kweli ni “huo ufufuo, na uzima.” Hakupenda kupoteza tumaini lote la watu, maskini, na kondoo watangatangao wa nyumba ya Israeli. Moyo wake ulikuwa unavunjika kwa sababu ya kutokutubu kwao. Kwa huruma yake alikusudia kuwapatia uthibitisho mwingine zaidi kwamba alikuwa Mponyaji, Yeye pekee ambaye angeweza kuleta uzima na kutokufa katika uhalisia wake. Huu ulikuwa uwe uthibitisho ambao makuhani wasingeweza kuutafsiri isivyo sahihi. Hii ndiyo iliyokuwa sababu ya kukawia kwenda Bethania. Mwujiza huu unaofunika miujiza yote, yaani kufufuliwa kwa Lazaro, ulikuwa wa kugonga muhuri wa Mungu kwenye kazi yake na kwenye madai yake ya uungu.” — *The Desire of Ages*, p. 529.

1. Washiriki wa familia ya Lazaro walikuwa akina nani?
2. Kwa nini Yesu hakutii mara moja ombi la marafiki zake?
3. Ni nini itikio la wanafunzi kwa mtazamo wa Kristo?
4. Je, kifo kinapaswa kuzingatiwaje na waaminio katika Kristo?
5. Kwa kusudi gani Kristo alimruhusu Lazaro afe?

Ufufuo na Uzima

FUNGU LA KUKARIRI: “Yesu akamwambia, Mimi ndimi huo ufufuo, na uzima: yeye aniaminiye mimi, ajapokufa, atakuwa anaishi” (Yohana 11:25).

Inapendekezwa kusoma: *Selected Messages*, bk. 1, pp. 296–300.

“Kwa mtu aaminiye, kifo ni jambo dogo mno. Kristo anakisema kama vile ni cha wakati mfupi sana. Kwa Mkristo, kifo si kitu bali usingizi, muda mfupi sana wa ukimya na giza. Uzima unafichwa pamoja na Kristo ndani ya Mungu.” — *The Desire of Ages*, p. 787.

1. YESU KATIKA BETHANIA

Jpil, Jun 22

a. Aliposikia kwamba Yesu anakuja Bethania, Martha alifanya nini na alionyesha usadikisho gani? Yohana 11:20–22.

“Miongoni mwa marafiki waliokuwa wanaomboleza walikuwemo ndugu wa familia ile, baadhi yao wakiwa na vyeo vya juu mle Yerusalemu. Miongoni mwa hao walikuwemo baadhi ambao walikuwa adui wakubwa sana wa Kristo. Kristo alijua makusudi yao, na kwa hiyo hakutaka ajulikane haraka. Ule ujumbe ulifikishwa kwa Martha kimya kimya kiasi kwamba watu wengine waliokuwa katika chumba kile hawakusikia... .

“Martha aliharakisha kwenda kukutana na Yesu, moyo wake ukiwa unasukumwa na hisia zinazopingana. Katika mwonekano wa sura ya Yesu aliona wema na upendo ule ule ambao ulikuwepo wakati wote. Imani ya Martha kwake ilikuwa isiyovunjika, lakini alifikiria kuhusu kaka yake mpendwa, ambaye pia alikuwa amependwa na Yesu. Akibanwa na majonzi moyoni mwake kwa sababu Kristo hakuwa amekuja kabla, lakini akiwa na matumaini kwamba hata sasa angeweza kufanya jambo fulani la kuwafariji, alisema, “Bwana, kama ungalikuwapo hapa, ndugu yangu hangalikufa.” Mara tena na tena, hata katikati ya kelele zilizokuwa zinafanywa na waombolezaji, wadada wale waliyarudiarudia maneno hayo.

“Akiwa na huruma ya kibinadamu na ya kimungu Yesu aliuangalia uso wa Martha wenye majonzi na uchovu. Martha hakuwa na mwelekeo wa kuhe-sabu yaliyopita; yote yalionyesha katika maneno ya huzuni kwamba, “Bwana, kama ungalikuwapo hapa, ndugu yangu hangalikufa.” Lakini kadiri alivyouangalia ule uso wa Yesu wa upendo, aliongeza kusema, „Lakini hata sasa najua ya kuwa yoyote utakayomwomba Mungu, Mungu atakupa.” — *The Desire of Ages*, pp. 529, 530.

- a. Yesu alimhakikishia nini Martha? Yohana 11:23. Alielewa nini kwa hili? Yohana 11:24.
-
-

"Yesu alimtia moyo imani yake, kwa kusema, „Ndugu yako atafufuka." Jibu lake hili halikukusudiwa kuleta tumaini la badiliko la muda mfupi. Aliyapeleka mawazo ya Martha mbali sana kupita ufufuo wa kaka yake wakati huo, na kuyafikisha kwenye ufufuo wa wenye haki. Yesu alifanya haya ili kwamba katika kufufuliwa kwa Lazaro Martha aione ahadi ya kufufuliwa kwa wenye haki wote waliokufa, na uhakika ya kwamba itakamilishwa kwa uweza wa Mwokozi.

"Martha akajibu, akasema, "Najua ya kuwa atafufuka katika ufufuo siku ya mwisho.'" — *The Desire of Ages*, p. 530.

- b. Je, Yesu alikubali usadikisho wa Martha kwa maneno gani? Yohana 11:25; 1 Yohana 5:12.
-
-

"Akiwa bado anatafuta kuweka uelekeo wa kweli katika imani ya Martha, Yesu alisema wazi, "Mimi ndimi huo ufufuo, na uzima." Katika Kristo kuna uzima, uzima halisi, ambao si wa kuazimwa, ambao si wa kutengeneza. "Yeye aliye naye Mwana, anao huo uzima." 1 Yohana 5:12. Uungu wa Kristo ni uthibitisho wa uzima wa milele kwa anayeamini." — Ibid.

- c. Je Ni ahadi gani ambayo ndiyo msingi wa tumaini letu zaidi ya kaburi, na jinsi gani usadikisho wa Martha unahusianaje na muujiza wa Kristo? Yohana 5:26; 11:26, 27 .
-
-

"Hapa Kristo anatazama wakati ule wa kuja kwake mara ya pili. Hapo ndipo wenye haki waliokufa watakapofufuliwa wakiwa katika hali ya kutoharibika, na wenye haki walio hai watabadilishwa na kwenda mbinguni bila kuona mauti. Mwujiza ambao Kristo alitaka kuufanya, kwa kumfufua Lazaro, ungewakilisha ufufuo wa wenye haki wote waliokufa. Kwa maneno na matendo yake alijitangaza kuwa Yeye ndiye Mamlaka ya ufufuo. Yeye ambaye mwenyewe angekufa msalabani muda si mrefu alikuwa na funguo za mauti, akiwa mshindi wa kaburi, na alikuwa na haki na nguvu ya kuwapa watu uzima wa milele."—Ibid.

- a. Eleza matendo na maneno ya Mariamu mwenye huzuni. Yohana 11:28–32.
- b. Yesu alipomwona Mariamu na baadhi ya Wayahudi wakilia, Yesu alifanya nini—na kwa nini? Yohana 11:33–35.

“Basi Yesu alipomwona analia, na wale Wayahudi waliofuatana naye wanalia, aliugua rohoni, akafadhaika roho yake.” Alisoma mioyo ya wote walikuwa wamekusanyika pale. Aliona kwamba kwa wengi, kile kilichoonekana kama mwonekano wa majonzi kilikuwa ni uigizaji. Alijua kwamba baadhi ya wale waliokuwa katika mkusanyiko ule, ambao walikuwa wakionyesha huzuni za unafiki, muda si mrefu wangekuwa wakipanga kuhusu kifo, si cha mtenda miujiza mkuu tu, bali pia yeye ambaye angefufuliwa kutoka katika wafu. Kristo angeweza kuwavua vazi lao la kujifanya wenye huzuni. Lakini alihifadhi hasira yake ya haki. Maneno ambayo angeyasema katika ukweli wote, hakuyasema, kwa sababu ya mpendwa aliyekuwa amepiga magoti miguuni pake akiwa na huzuni, ambaye alimwamini kweli kweli.

“ ‘ aliuliza, “Mmemweka wapi? Wakamwambia, Bwana, njoo utazame.” Walielekea kwa pamoja mahali penye kaburi. Liliikuwa tukio la kuhuzunisha. Lazaro alikuwa mtu wa kupendwa sana, na dada zake walimwombolezea kwa mioyo iliyovunjika, huku wale waliokuwa rafiki zake wakichanganya kilio chao na cha wale dada zake. Katika mwonekano huu wa majonzi ya wanadamu, na hali halisi kwamba marafiki waliofiwa walimwombolezea aliyekufa wakati Mwokozi huyu wa ulimwengu akiwa amesimama hapo hapo, - “Yesu akalia machozi.” Ingawa alikuwa Mwana wa Mungu, bado alikuwa amechukua hali ya mwanadamu juu yake, naye alisukumwa na huzuni ya kibinadamu. Daima moyo wake wa huruma na upendo huamshwa na mateso ya watesekao. Analia pamoja na waliao, na kufurahi pamoja na wanaofurahi.” — *The Desire of Ages*, p. 533.

- c. Je, wakati huu katika maisha ya Yesu unawezaje kuwa mfano kwetu? Warumi 12:15.

“Mfano wa ajabu wa Kristo, upole usio na kifani ambao Yeye aliingia nao katika hisia za wengine, akilia pamoja na wale waliolia, akifurahi pamoja na wale waliofurahi, lazima iwe na mvuto wa kina juu ya tabia ya wote wanaomfuata kwa uaminifu. Kwa maneno na matendo ya fadhili watajaribu kurahisisha njia kwa miguu iliyochoka.” — *The Ministry of Healing*, pp. 157, 158.

- a. Je, Yesu alitoa amri gani kwa wale waliokuwa karibu Naye? Yohana 11:39 (sehemu ya kwanza). Martha alitendaje na Yesu alimwambia nini? Yohana 11:39 (sehemu ya mwisho).

"Bwana anapotaka kufanya kazi, Shetani humsukuma mtu fulani kuzuia. "Liondoeni jiwe," Yesu alisema. Kwa kiasi kiwezekanacho, itengezeni njia kwa ajili ya kazi yangu. Lakini tabia chanya na ya wema ya Martha ilijionyesha. Hakupenda kwamba mwili unaozoa uwekwe wazi. Moyo wa mwanadamu ni mzito kuelewa maneno ya Kristo, na imani ya Martha ilikuwa haijaelewa maana ya kweli ya ahadi ya Kristo.

"Kristo alimkanya Martha, lakini maneno yake yalitamkwa kwa namna ya upole wa hali ya juu. "Mimi sikukuambia ya kwamba ukiamini utauona utukufu wa Mungu?" Kwa nini uwe na mashaka kuhusu uwezo wangu? Kwa nini unawaza kinyume na matakwa yangu? Una neno langu. Ikiwa utaamini, utauona utukufu wa Mungu. Mambo yasiyowezeke kwa asili hayawezi kuzuia kazi yake Yeye aliye Mweza wa yote. Mashaka na kutoamini si unyenyekevu. Imani ya dhati katika neno la Kristo ndio unyenyekevu wa kweli, kujisalimisha kwa kweli.

"Liondoeni jiwe." Kristo angeweza kulihamuru jiwe litoke, nalo lingetii sauti yake. Angeweza kuwaagiza malaika ambao walikuwa karibu naye pale kando ili wafanye kazi hiyo. Kwa kuagiza kwake kule, hata mkono usioonekana ungeliondoa lile jiwe. Lakini lilitakiwa liondolewe na mikono ya mwanadamu. Kwa njia hiyo Kristo alitaka kuonyesha kwamba uanadamu unatakiwa kushirikiana na uungu. Nguvu ya uungu haiagizwi kutenda kile ambacho nguvu ya kibinadamu inaweza kukifanya. Mungu hamgawii mwanadamu mahitaji. Yeye anamtia nguvu mwanadamu, na kushirikiana naye wakati anapotumia nguvu na uwezo aliopewa" — *The Desire of Ages*, p. 535.

- b. Ni maneno gani ya Kristo yanayokemea kwa upole kutokuamini kwetu leo? Yohana 11:40.

"Wengi hawana imani hai. Hii ndiyo sababu hawaoni nguvu zaidi ya Mungu. Udhaifu wao ni matokeo ya kutokuamini kwao. Wanapanga lakini wanaomba kidogo, na wana imani ndogo ya kweli kwa Mungu. Wanafikiri wana imani, lakini ni msukumo tu wa mda. Wakishindwa kutambua hitaji lao wenyewe, au nia ya Mungu ya kutoa, hawadumu katika kuweka maombi yao mbele za Bwana." — *Christ's Object Lessons*, pp. 145, 146.

a. Je, Yesu alitoa maombi gani kando ya kaburi? Yohana 11:41, 42.

“Amri ile ikatiwa. Jiwe likavingirishiwa mbali. Kila kitu kikafanywa wazi wazi na bayana. Wote wakapewa wasaa wa kuona kwamba hakuna udanganyifu unaofanywa. Ndani ya kaburi lile la mwambani umelala mwili wa Lazaro, ukiwa wa baridi na kimya katika mauti. Vilio vya waombolezaji vinanyamazishwa. Wakiwa katika mshangao na hamu, watu waliokusanyika wanalizunguka kaburi, wakisubiri kuona kitu ambacho kingefuata....

“hapa Kristo anadai kwamba Mungu ni Baba yake, na kwa ujasiri kamili anatangaza kwamba Yeye ni Mwana wa Mungu.” — *The Desire of Ages*, pp. 535, 536.

b. Yesu alimfufua Lazaro kwa maneno gani? Yohana 11:43. Nini kilitokea mara moja? Yohana 11:44.

“[Kristo] Sauti yake, iliyo wazi na ya kupenya, ilipenya katika sikio la aliyekufa. Wakati anapooonea, uungu unamlika ndani ya ubinadamu. Usoni mwake, ambapo pameangaziwa na utukufu wa Mungu, watu wanaona uthibitisho wa uweza wake. Kila jicho linakazwa kwenye mlango wa kaburi. Kila sikio linategwa kusikiliza sauti itokayo pale. Wote wakiwa na hamu kubwa na uchungu wanasubiri kuona mtihani wa uungu wa Kristo, ushahidi ambao utathibitisha madai yake kuwa ni Mwana wa Mungu, la siyo kuzima matumaini milele.


“Kuna hali ya kujongea katika kaburi lililo na ukimya, na yeye aliyekuwa amekufa anasimama mlangoni pa kaburi a mara nyingine tena wanaonyeshwa kwamba mwanadamu atendaye kazi anatakiwa kushirikiana na Mungu. Mwanadamu anatakiwa atende kwa ajili ya mwanadamu. Lazaro anawekwa huru, na anasimama mbele ya umati ule, akiwa si kama mtu ambaye amedhoofishwa na ugonjwa, na mwenye miguu inayoweweseka kwa udhaifu, bali kama mtu aliye katika hatua ya ujana, na kama mwanaume mwenye nguvu. Macho yake yanang'aa kwa ufahamu na upendo kwa Mwokozi wake. Anaji-tupa kwa heshima miguuni pa Yesu.” — *Ibid.*, p. 536.

MASWALI TAFAKARI BINAFSI

Iju Jun 27

1. Elezea ujasiri ambao dada wa Lazaro walikuwa nao kwa Yesu.
2. Yesu aliahidi nini kwa Martha, kwa Mariamu, na kwa waumini wote?
3. Kwa nini Yesu alilia?
4. Je, ubinadamu ulishirikiana vipi na uungu katika muujiza huu?
5. Eleza matendo ya Lazaro juu ya wito wa Yesu.

Sadaka za Sabato ya Kwanza



Sabbath, April 5

Ujenzi wa kanisa huko Prokhorovka, Russia

Kuwa sehemu ya kazi inayokuwa katika nchi kubwa zaidi ulimwenguni!

Tazama, uk. 4.



Sabato, Mei 3

Misheni za Dunia

Bado kuna maeneo mengi mapya ya kufika, kwa hivyo hebu tuunge mkono kukamilika kwa kazi hii ya kimungu!

(Tazama uk. 25).



Sabato, Juni 7

Makanisa mawili huko Tamil Nadu, India

India kusini ina uhitaji mkubwa wa injili; sasa ni nafasi yetu ya kusiaida kuleta mabadiliko.

(Tazama, uk 46)